

粵

清

西

汪森編

叢

載

第七冊

進步書局校印



粵西叢載卷二十四

俚

蠻種名色已詳文載中此復稍補其闕畧

建武十二年九真徼外蠻里張

里蠻之別號今別呼為里人

率種人慕化內屬封為歸漢里君漢

書

廣州南有俚賊在蒼梧鬱林合浦寧浦高涼五郡中央地方類千里往往別村各有常帥無君主恃在山險自古及今彌歷年紀民俗蠢愚惟知貪利無有仁義道理土俗不愛骨肉而貪寶貨及牛犢若見有假人財物水牛者便以其子易之夫或鬻婦兄亦賣弟若鄰里有負其家債不時還者其子弟中愚者謂其父兄曰吾為汝取錢汝但當善殯葬我耳其處多野葛為鈎挽數寸徑到債家門下謂曰汝負我錢不肯還我今當自殺因食野葛死於債家門下其家便稱怨宗族人眾往債家汝不還我錢而殺我子弟今當擊汝債家懼因以牛犢財物謝之數十倍死家乃自收死者罷去不以為恨

南州異物志

蠻

廣西控扼。邕蠻曰邕。邕屯全將。宜屯半將。皇祐間。分宜州為一路。帥所統多。邕州後罷為郡。今守臣猶兼廣西都監。為慶遠節度。宜之西境有南丹州。安化州。三州一鎮。又有撫水。五洞。龍河。茅灘。荔波等蠻。及陸家砦。其外有龍羅。方石。張五。姓謂之淺蠻。又有西南韋番及蘇綺羅。坐夜回計。利流。求謂之生蠻。又其外則有羅殿。毗那大蠻。皆徑路直抵宜城之境上。嶺外代答

徽宗大觀二年。有融州屬蠻大丘洞首領楊光朝。請內附。又有楊克端等百三人來歸。皆納之。諸蠻族類不一。大抵依山谷。並林木為居。椎髻跣足。走險如履平地。言語侏離。衣服編爛。畏鬼神。喜淫祀。刻木為契。不能相君長。以財力雄彊。每忿怒則推刃同氣。加兵父子。間復讎怨。不顧死。出入腰弓矢。匿草中射人。得牛酒則釋然矣。親戚比鄰。指授相賣。父子別業。父貧則質身於子。去禽獸無幾。宋史

甲崗蠻後屬交趾。宋景祐嘉祐間。出寇邕州。海學

古稱天竺。咳首焦僥。跣穿胸。儋耳狗軛旁脊。謂之八蠻。其文面尤異者。則有飛頭。鑿齒。鼻飲。花面白衫。赤棍之屬。嶺表左右及海外諸國。在在有之。而儋耳交趾。遂以

名郡。

炎徽紀聞

猺人古八蠻之種也。五溪以南窮極嶺海。迤邐巴蜀皆有之。椎髻斑衣。婦人黥面。為花卉。蜻蚋蚊蝶之狀。山田瘠墾。十歲五饑。急則墮突漢界。持短槍控大弩。毒矢攻剽。墟落踉蹌篁薄中。飄忽往來。不可蹤跡。山中多杉板藥物。四方亡命若避徭賦者。此焉逋藪。消雜夸中。為之嚮導。分受擄獲。結黨既多。則公墮城堡。劫官寺。故廣之東西。歲苦兵事。諺云。比年小征。三年大征。然亦僅矣。史氏槃瓠之說。雖恍惚難稽。然猺人多槃姓者。或訛而為盤云。猺獠雖異族。而信鬼畏誓。大畧相同。在唐虞謂之要服。蓋以信義要質而已。艾微紀聞

平地猺。居食嫁娶。悉與民同。男人鬻髮。止於四旁。婦人衣斑斕衣。刺綉亦古雅。耕田納賦。惟不任差遣。間亦有讀書應考者。性最淳朴。畏見官吏。常為胥皂所魚肉。不能

自直。

臨桂縣志下同

高山猺。架竹木為屋。覆以青茅。種禾黍。山芋豆薯為糧。有蜂蜜黃蠟。香草香草木耳。乾笋茶葉等物。每無定居。數年此山。數年又別嶺。亦有以刻瓢為業者。嶺磴險阨。負載者悉著於背。繩繫於臂。僂而趨。上下甚捷。善用弩。名偏架弩。弩牀以紫榆為之。其

箭甚毒中人輒死。但性最謹厚。世亂人多携家往就之。皆樂為効力。雖託之細軟亦不致有失也。此惟東鄉獠則然。

永福白獠。散居毛崗里之大波塘。并理定里地方。深居山谷。不與他獠往來。老死不入城市。以木皮覆屋。編帛著為衣被。夜寒則家人父子圍爐一處。足跣能履棘刺。走峻坂如飛。採毒藥。炆藥射獵以續食。人多衣白。以錫飾笠頂。望之皆白。稱為白獠。亦稱木皮獠。常出鄉村。貨其山間麋鹿皮。及陵香降香之類。性雖悍野。不敢出崗為

患。

永福縣志

獠亦名峯客。有四姓。槃藍雷鍾。自謂狗王後。男女皆椎髻。跣足。結茆為居。遷徙無常。刀耕火種。不供賦役。善射獵。以毒藥塗弩矢。中獸立斃。南寧府志

大良獠。居處服食同獠。而性亦淳謹。敬慕華人。至則雞黍禮待。近為獠所殘破。散入

村落。樵採耕種。與民無別矣。

臨桂縣志

永福大良獠。在邊山毛崗龍溪板塘。與民雜居。舊謂之木獠。其俗男耕女織。廬舍飲食。與鄉民同。婦髻髻上銳下廣。撮髮貫出其上。絡珠鬢。後為飾。衣裳用五色絨雜綉花卉。男女踏歌為樂。而不至相狎。先年稍強盛。肆劫殺。後經剿戮。始附籍聽約束。因

號為良獠。天順末，為湖北獠戰，奪其田土，逃竄外境。隆慶大師後，招回住大茅源，貫余村各村。今又逃散。永福縣志

獠

獠即舊越人，容貌衣服俗尚，頗與獠同。但獠婦之裙長有七八幅，而淫婦之裙短，只三幅耳。縣治總有三百村，獠得二百七十有餘村，而民止得二十三村。多寡強弱之敵如此，所可幸者，猶喜知有朝廷法度，惟一誠以來之，信其約束，不為紛更，寬其網罟，無恣羅織，則欣然歸命，輸納罔後，知重信約，無甚狡獪。比獠尼猶為可制云。蒲

縣志

永福南獠，原自黎平慶遠，谿崗越出，正統間，浸沒理定縣境，漸入本縣毛崗地方，與獠角立，分為東獠、西獠。正德間，為湖北獠殺，遂僅居牛嶺、西坑、江頭、營大卜灣數村而已。其俗與湖北獠稍異，供養父母，不欄居，不相畜雙塘，不食犬肉，婦人椎髻，差圓而絡珠為飾，其衣前衫短而後衫長，裙十幅，細摺挑綉花卉異樣，而顏色稍紅，為不同耳。餘與湖北獠無異，而絕不與之婚姻往來，視良獠為近之。永福縣志下同

湖北獠，原出自湖廣靖州，由懷遠流來，浸沒古田境土，與南獠異。弘治年間，來本縣

殺逐良犛并有其地其俗男耕女織架欄而居下頓牛畜女人橫髻衣裳刺手為文男子亦貫耳帶綿著為飾男女喜歌笑以示情愛婚姻食猪牛為聘定女子嫁夫一夕遂返越三五載始歸與夫同處父子異居父母衰老始收養之有病不事醫藥深信巫鬼盛擊殺牛禱之有三牲五牲七牲十二牲之說心有屈輒服蠱毒自死不惜有冤鳴眾論理名為叫老如不平椎牛糾眾連年仇殺隔世不忘不識文字有事刻木通信事通用火灼之以示急弱者投強以為倚至老不入城市不奉拘提種類蕃盛夙稱永福民三犛七為民害甚矣

南丹溪洞之人呼為犛其始未嘗至首元至元間莫國旗獻圖納土自是犛人方入省地初柳慶邊山居民苦於犛寇募犛人耕種且以禦犛久之犛與犛通遂通民田產擄民子女掠民財畜為害尤甚今考居宜山之邊境與隸各州縣者此種為多性氣剽悍椎髻跣足穿耳懸環男女如之出入身佩長刀持鏢戟負勁弩淬藥鐵專務殺人瀕江居則拒水路依山居則據險時或潛伏草莽肆行劫掠夜則明火執杖盜人牛馬綁縛人婦械以木格狀如春杵刻其兩端中鑿為竅納一足械之勒重賈取贖否則肢解之其居架木為欄下皆畜織啖血肉婚不避姓時上元中元春秋社

曰男女答歌苟合。至有妊娠。始歸夫家。男服者短窄衫細褶裙。其長過膝。女服者青衣花紋小袂裙。以紅綠繒緣。長則曳地。不祀先祖。病不服藥。惟祈鬼神。每歲收穫畢。則跳鬼酬賽。男女淫奔。若至於仇殺。子孫不忘。

獐自元至元間。方入省地。近日編入版圖者。謂之熟獐。性略馴。其遠者。謂之生獐。梗化不可制服。謂天為溫。父曰扶。牛曰懷。魯巴。飯曰毫。食曰良。亦有同中國者。謂酒曰醪。謂鹽曰鹵。南寧府志

獐散處林麓。無復聚落。出入負弩。短衫魁結。貯粟巖竇。以銀為圈。加於頸。夜宿短衾。露足。不欲酣寢。心好殺。又恐人謀己也。本類相讎。織芥不已。雖累世必復其鬥。或誤殺人者。以牛畜為償。或數十頭至百頭。名曰人頭錢。流劫則糾黨麋起。亦有渠長人先給銀三錢。贍其家。曰鎗頭錢。在山三五為羣。要人於路。曰伏草。在江突衝而出。繫船取貨。羈以求贖。曰勾舡。小則屠村堡。大則窺城邑。滋蔓之久。道路梗澀。廬井為虛。師興則遠遁深藏。萬山絕嶠。莫可誰何。且其人耐饑。啖鹽數顆。草木皆可食。自用兵以來。誅者十五。逃者十五。不得已而招撫隨之。平樂府志

獠

獠者。蓋蠻南之別種。無氏族之別。依樹積木以居其上。名曰干闌。好相殺害。若殺其父。走避外。求得一狗以謝。不復嫌恨。若報怨。必殺而食之。其俗畏鬼神。尤尚淫祀。所殺之人。美鬢髯者。乃剝其面皮。籠之於竹。及燥。號之曰鬼。鼓舞祀之。以求福利。至有賣其昆季妻孥盡者。乃自賣以供祭焉。北史

居天河縣之東鄉者曰獠。其性視犴獠較馴。亦頗譎詐。各盡力勤耕作。善賈販。多食蔬。事佛甚謹。凡食素者。以三年為率。名曰血盤齋。為其母報恩德。報恩素食三年者。羸聚於佛寺。鳩錢具蔬。延浮屠作佛事。以超薦其父母。謂之懺齋。其婚娶。燕飲禮甚簡陋。亦吝嗇所致。先時垂髻蓬首。跣足。成化間。知縣袁瑒禁之。始巾幘草履。亦變尼之一機也。慶遠府志

矜人

大藤羅運山中。其幽崖奧谷。是生矜人。雕題編結。狀若猩猩。散育莽中。不室而處。卉衣血食。言語侏離。雖附近諸徭。亦莫能重譯也。交徵紀聞

永福矜人。來自義寧縣。其俗與良徭同。而語言各別。婦無髮髻。用布纏。箸作鬢。貼插椎髻之下。俗呼為苦麻矜。性氣視諸徭較馴。有姓蒙者。住板塘里蒙嶺村。今絕村為

獾據永福縣志

獾者獾之別種其性情氣習飲食居處服用器械及婚葬燕祭皆與獾同編入版籍

畧供賦役亦如熟獾但言語差異今思恩縣南丹州有此種謂之苦費獾遠府志

荔波縣深溪崗中亦有獾俗與猯異而性克狼同上

獾人饑拾橡薯射狐掘鼠蝨蠱蚯蚓甘生如齋卉木鳥言重譯四姓獾外曰狙其風

罔聞意莊生所稱狙公云赤雅

狢人

狢亦獾類不喜殺善音樂彈胡琴吹六管長歌閉目頓首搖足為混沌舞獾之有狢

猶獾之有大良也赤雅

狢人

狢亦獾類嗜殺過於獾父子有隙信信反噬弑父則疾走得一大謝母母亦不恨同上

狢人狢人狢人皆猯之別種性狠暴及其氣習亦與猯同但其謁見官長不知跪拜

為跣跌為敬慶遠府志

狢人

犵人山田堵壩。十歲九饑。纖仇必報。蘆突漢界。攻剽村落。或誤殺人。則以牛畜為償。曰人頭錢。赤雅下同

苗

苗自為一類。其女善為漢音。操楚調。掛釵留客。能為鸞鴛舞。生女則還母家。曰一女來。一女往。

蜚人

蜚海上水居。蠻也。以舟楫為家。採海物為生。且生食之。入水能視。合浦珠池蚌蛤。惟蜚能沒水採取。旁人以繩繫其腰。引石縋而下。得珠螺則繫繩動。搖即引而上。先煮。耗衲極熟。急覆之。不然寒慄而死。或遇諸海恠所觸。往往潰腹折支。人見血一縷浮水面。知蜚死矣。虞衡志

蜚人瀕海而居。以舟為宅。或編蓬水滸。謂之水欄。以釣魚為業。辨水色以知龍居。故

又曰龍人。

炎微紀聞

蜚有三。取魚者曰魚蜚。取蠔者曰蠔蜚。取材者多曰木蜚。其人皆目睛赤碧。卉衣卑食。各相統率。魚蜚蠔蜚能入水伏二三日。一謂之龍戶。一謂之崑崙。如贏蟲錄

蜃人神宮畫蛇以祭。自云龍種。浮家汎宅。或住水滸。或住水瀾。捕魚而食。不事耕種。不與土人通婚。能辨水色。知龍所在。自稱龍神。籍稱龍戶。莫登庸其產也。惟

蜃民原皆東來。水蜃散處於此。以網魚為活。棲泊河下。編竹為簾。葺蓬為舍。向猶二

三十人。今生聚漸多。男婦約有百名口。是可覘其安於樂土矣。容固無河所。此類不

入編戶。不入保甲。止籍其名。以其艇或供水路往返。而官以租食之。近多投於巨室。

巨室亦因而利焉。第繡江驛裁革。別無差船。此等蜃艇。時不可缺。所司既有意於士

夫定分送之額。則亦未可求多於若輩也。而所家尤甚云。容縣志

蜃人有五姓。麥濮吳蕪何。古以南蠻為蛇種。觀蜃家神宮蛇像。可見世世以舟為居。

無土著。唯捕魚裝載以供食。南寧志府

馬人

馬人其先中國士卒。隨馬援南征。羈留未歸。散處南海。遂成部落。人人深目。猥嚙。以

採藤捕蠟為業。產與黎同者。韓退之詩云。銜時龍戶集。日上馬人來。人皆不識。多強

解之。由今而觀。殆即此馬人之類也。四奇錄

馬人本林邑蠻。相傳隨馬援北道。散處南海。或曰。盧循遺種也。故又曰。盧亭云。炎微紀聞

盧亭人屬胎生。或曰盧循遺種也。黃睛短髮。出沒海洋。以魚蝦為食。惟雄者後有小尾。長寸餘。其牝壯則人也。語侏僂不可辨。蠻人諳其性。得其小者。育之。衣以樹皮。長令捕魚採珠。取珊瑚極便捷。其性專慾。與山獠等。乃身腥穢。不可近。能伏水一二月。正德間香山漁者曾中。曾獲一人。嘉靖間備倭黑孟陽捕海寇。得一於舟中。呈解粵省。因餐火食死焉。識者謂為盧亭。無乃鮫人之類也乎。嶺海異聞

山子

山子夸人。散處橫州震龍六磨諸山谷中。無版籍定居。惟斫山種畬。斂木盆鍋射獸而食之。食盡又移一方。男女皆徒跣。婦女大髻。重可數斤。其夫婦欲行人道。則就山中僻處。先揀青於路。以斷來者。或悞入。則弩射之。其交類獸。與人異。南寧府志

斑衣種女

種女與山子同類。垂手善舞。蹋蹋歌。短裙及膝。坐則雙膝齊跪。執禮甚恭。有盤古風。

劉禹錫蠻女鞞舟音。蠻衣爛斑布。赤雅

下同

巴人

懷遠石陣臨溪。陰風慘人。猶聞鬼哭。昔武侯立營於此。夜令云。枕石者去。枕草者留。中夜撤軍。枕石者不寐。從孔明去。枕草者熟睡。遂留茲土。遺種斯在。尚能操巴音而歌烏鳥。

飛頭獠

飛頭獠。頭將飛。先一日頸有痕。匝如紅縷。及夜狀如病。頭忽飛去。須臾飛還。其腹自實。其覺如夢。雖獠不知也。余嘗入石袍山澗中。偶見二頭。一食蝻。一食蚱。見人驚起。食蚱者尚啣蚱而飛。蚱食尺許。雙耳習習。如飛鳥之使翼也。獠俗賤之。不與婚。娶欲絕其類。余按占城有尸頭蠻。本婦人。目無瞳子。飛頭食。食童子糞。糞盡。童子輒死。目益明。堪與此獠為婚一笑。

鼻夸

鼻夸獠族。鼻如垂鈎。偶目好殺。深明水脉。采猿臂。齧牙為遂。吹作龍聲。間出市鹽。與之酒。鼻飲輒盡。

生丁白丁黑丁

推結斑衣。兒時即燒鍊石。烙其跟蹠。沁以蛇油。重斫若韃。穿著走棘。履險若夸。

丁婦

黔面繡額。為花草蜻蛉蛾蝶之狀。嫁則荷傘懸屐。以戒徒。

廣西土官

廣西土官一百九十七。思恩田州思明鎮安。知府四人。思明結安下石西利州都結。奉議思城上思龍英鎮遠江州結倫思同果化都康茗盈萬承全茗上下凍泗城太平向武南丹歸順安平萬承忠州思陵龍州歸德那地東蘭上隆。知州三十三人。左州同知一人。羅白憑祥上林陀陵羅陽忻城知縣六人。上林縣丞一人。懷遠主簿一人。桂平貴溪典史二人。永平寨波羅里大洞三寨鎮安平鄉理源鎮高井寨尖山鎮周冲都樂墟古江口羅目鎮慈樂寨東鄉巡檢十三人。木盤浦鎮鉤寨白石寨重觀旺思隆鄉連城鄉武羅鄉武林鄉辛安寨東禪鎮那龍寨太約鎮寨下市界牌鎮安城鎮歸仁鎮古眉寨群峰寨白面寨遷隆寨西舍寨麗壁市桑江口古登鎮三畔鎮三門灘鎮大寧寨龍門寨靖寧鄉宜良鎮都博鎮新興鎮歸化鎮吉清鎮廖洞鎮江口鎮章駱鎮安湘鎮樂善鎮莫離鎮武陽鎮中尚鎮通道鎮清流鎮思管鎮鷲頭隘保江鎮西尚鎮潯江鎮萬石鎮安永鎮縣廓鎮清水鎮李廣鎮思龍鎮東江鎮德勝

鎮大曹鎮思農鎮北蘭鎮安化鎮普義鎮吉定鎮歸思鎮上堡鎮金城鎮方村蒙邨
窮果兩江口峰門寨南源寨常安鎮龍平寨西嶺寨鎮峽寨白霞寨邊蓬寨信都鄉
沙田寨樊家寨白花洞口渠樂寨金城寨八尺寨那樓寨橫山寨南鄉南里鄉大宣
鄉馱演鄉鶯頸鎮都名鎮丹陽鎮周冲大宣鄉靖寧鄉大黃江口北山懷遠鎮湘山
渡副巡檢一百二人嘉靖七年初設武靖知州一人田州吏目一人臨時巖馬甲大
田子甲陽院思郎累彩怕河武龍拱甲床甲安鳳下降縣甲篆甲若桑怕牙思幼候
周思思白興龍定羅定安古零舊城那馬下旺都陽巡檢二十八人改流四知州二
人養利上石知縣二人崇善永康

鄭曉吾
學編

洪武二年正月湖廣行省臣言慶遠府地接八番溪洞所轄南丹宜山等處宋元皆
用其夸首為安撫使以統之天兵下廣西安撫使莫天護首來款附宜如宋元制錄
用以統其民上從之詔改慶遠府為慶遠南丹軍民安撫司置安撫使同知副使經
歷各一員以天護為同知王毅為副使

典彙
下同

七月廣西右江田州府土官岑伯顏來安府岑漢忠思明府黃忽都太平府黃英衍
向武州黃世鈇龍州趙帖堅等各遣使奉貢方物詔以伯顏等各為本府知府世襲

世鈇等各為本州知州。皆世襲。

成化元年。刑部主事馮俊上言。臣生長廣西。深識夸情。蓋廣西境內。徭獍多。居民少。洪武間。設立田州。泗城等府州。選用土官。世相統攝。遇警悉聽調用。使之懷德畏威。其餘種類。令流官兼管。是以反側靡常。近年益甚。今總兵趙輔等奉命往征。賊平之後。恐有遺孽。速遁。宜遣官招撫。或委附近土官管束。或別立司府推選。其類為眾所信服者。授以世襲。長官治之事。下兵部議。令趙輔韓雍等平賊之後。斟酌舉行。典

嘉靖二十七年十二月。詔向武州土官男黃仲金。那地州土官男羅廷鳳。泗城州土

官男岑施。各就本處襲替。免赴京師。以其嘗聽調有勞也。同上

左右江土官。自唐以來有之。有儂氏四道。黃氏四道。武侯延眾等四鎮。大者為州。小者為縣。又小者為洞。宋開拓寢廣。州縣洞五十餘所。多從國姓。越其官有知州。權州監州。知縣。知洞。同發遣。權發遣之屬。謂之主戶。民謂之提陀。華言百姓也。其所掠得婢僕。謂之家奴。亦曰家丁。民之強壯者。田子田丁。亦曰馬前牌。總謂之洞丁。妻曰媚娘。雖曰羈縻。然租稅不供。文告不行。其人民土物。非中國有也。國朝仍其舊土。稍加易置。世官之下。銓一。二流官佐之。畔逆削絕者。始郡縣其地。每三年一進貢馬匹。方

物然皆納價直而已。有事則調發其兵。量給行糧。事定論功。資以文銀。重者錫冠裳。加品級。其兵精者為內甲。華言親丁也。今儂姓絕無。惟都結州姓農。傳云智高叛後。更易而黃姓尚多。如思明府。思江。向武。歸德。思同。思明六州。上林。陀陵。羅陽三縣。皆是也。趙姓則果化。思城。上下凍。鎮遠。龍州。岑姓則鎮安。歸順。田州。思城。泗城。武靖。利州。莫姓則南丹。韋姓則東蘭。忻城。羅姓則那地。馮姓則都康。佶倫。許姓則下雷。萬承。李姓則太平。安平。全茗。茗盈。龍英。憑祥。張姓則結安。閉姓則下石。西。梁姓則羅白。其故絕更禪不可知。然多山東青州人。未知其所從來也。百粵風土記

諸土司惟田州泗城最強。南丹次之。田州臨大江。地勢平行。沃野方數百里。精兵萬人。一呼即應。土酋桀驁。反側時與。諸土司為難。故未暇窺我內地。泗城方千餘里。兵倍田州。散居巖洞。石城險絕。芭蕉關尤峻而固。南丹差小。而兵悍勁。敢死。諸司憚之。二酋忠順不貳。次則東蘭。那地。皆有精兵。其他微小。朝貢不絕。非藉中國威令。無以自存。同上

土官瓦氏

田州女土官瓦氏。嘉靖十四年調之征倭。至蘓州。索有司捕蛇為軍中食。敗倭於王

江涇時人語云。花瓦家能殺倭。腊而啖之有如蛇。

嘉靖甲寅。倭寇吳中。廣西女土官氏。率萬人來援。泊胥關月餘。馭衆有法度。約所部不犯民間一粒軍門下檄。輒親視居亭民訴。部巨奪酒脯者。立捕殺之。食尚在咽下。其出軍幟分五色。以別行伍。頭裹方素。無他色者。或問瓦云。身是孟獲裔孫。感武侯七赦恩。誠子孫世世戴編。以識不忘耳。董斯張吹景集

土兵

粵西左江兵不可用。可調惟右江土官喜於見調。兵人日米一升。計價月可一錢。俱為土官所得。兵自齎糧。且獻名倍役數。以規糧給。雜記

粵右狼兵。驚悍天下。稱最。然多非真狼。真狼必土官親行部署。纔出。舊制調征狼兵。所經過處。不許入城。蓋其性貪淫。離家遠出。罕御酒肉。不獲縱貨色之欲。含怨懷恨。惟劫於其主之威而已。在有司善遇之。不則剽掠之性。一動不可復制矣。嶺南瑣記

諸土司兵曰狼兵。皆驍勇善戰。而內甲尤勁。非土官親帥之。則內甲不出。往歲征倭。平大藤諸賊。及皮林崖黎。皆用之。然驕蹇無紀律。往往取敗。所過剽掠。不可禁止。華林崗賊反。檄田州兵勦之。路人謠云。華林賊來亦得。土兵來死不測。然中國之喜用。

狼兵者不獨以其勇也。漢兵行有安家行糧而土兵止給行糧。省費一倍。每兵一日僅白金一分二釐耳。所謂惜小費而忘大害者也。近日援黔援山海俱有調狼兵之議。然土司桀驁視昔百倍。見安奢之變。有輕中國心。我能必制其命乎。中途反噬悔之何及。當事者宜熟思之也。百粵風土記

戍兵

永樂初調湖廣貴州軍。征廣西蠻。遂留戍其地。後貴州軍以征麓川撤回。獨留楚軍萬人。分戍桂林柳州平樂諸州。邑有萬戶。及裨將統之。閱歲踐更。然水土不習。多至病死。間逃亡不赴者。法不能盡繩也。其戍守梧州。則粵東軍原以萬數。今減為三千。

云百粵風土記

土司兵故精勁。每遇警輒徵召。大者數千計。小者百計。行之既久。兵日驕恣。民且苦兵。總督尚書王守仁以徵召頻數。人不堪命。因議更番戍守之法。戍省者三千。戍梧州四千。戍柳者二百。地方小警。以戍兵驅之。魚書不煩而足。裨緩急。其制良善。然窮年外處。月餉無幾。武夫悍卒。多不樂役。第以老憊充數。到伍以後。潛歸相續。名存實亡。警報一聞。又不得不議徵兵矣。萬曆十六年。督府劉繼文以地方寧謐。議減戍卒。

之數。但兵額既減而虛名如故也。然土兵入內地。窺我虛實。且易搆鬪。故不至者亦

不取盈云。同上

達目

洪武中。分置故元降將納哈出諸王哥烈沙。及其官屬於閩廣廣西。自是有達目。弘正間哈密之役。土魯番使臣發廣西安插收入桂林中右二衛。而近有口外歸降者。資遣而來。槩謂之達目。今桂林達官。指揮千戶百戶總旗達軍達目共一百八十六名。梧州達舍二十名。初但食以祿糧。自廣東黃蕭養之亂。奏准隨征。其後一槩差調。習騎射。敢勇耐勞。行陣間頗得其力。百粵風上記

土官朝貢例

明洪武間。例土官三年朝覲。進貢一次。布政司給文起送。限本年十二月終。到京貢物不等。

廣西與雲貴同。

馬。犀角。孔雀尾。象牙。象鈎。象鞍。

象脚盤。蚌蛇膽。金銀器皿。青紅寶石。

玉石 圓帳 金戎索 各色絨線 各色手巾布
花藤席 降香 黃蠟 棋枰。

隨地所有不拘例

嘉靖元年議入貢馬匹就彼變賣銀兩貯庫降香黃蠟茶葉等物要重五十五斤為一杠每杠賞潤生絹二匹照杠遞加

土官承襲例

明洪武二十六年例廣西土官承襲務要驗封司委官體勘別無爭襲之人明白取其宗支圖本并官吏人等結狀呈部具奏照例承襲正德初令極邊有警地方暫免赴京餘各照舊通志下同

嘉靖七年例土官病故其應襲兒男查勘無礙止令以官男孫各色就彼襲替權管地方俟著有功勞然後授以冠帶俟功勞再著然後授署職俟功勞屢著然後實授本職

嘉靖九年土官衙門造冊將見在子孫盡數開報某人年若干歲係某氏生應該承襲某人年若干歲某氏生係以次土舍未生子者候有子造報願報弟姪若女者聽

布政司送吏兵二部查照。

嘉靖二十八年例。應襲土舍。曾經調遣效有功勞者。暫免赴京。就彼冠帶署印管束。夸民待後功勞顯著。方許實授。

萬曆二十年。三院會議。土舍初襲。照舊小帽管事。三年後。若守法奉公。兵糧完足者。給冠帶。至六年九年。勞績愈彰。漸次議加。署職實授。如有恣肆不檢。讐鄰搆兵。及錢糧兵馬。負欠逾期。追奪示罰。仍置立宗枝文簿印貯。轄屬該道。遇土官嫡妻生子。限一月內。具報該府。報道填註。用為日後勘襲左券。以杜爭端。

萬曆二十二年例。土官土舍。與民間子弟不同。一經援納。假借大冠。交結生事。屢擾地方。深為未便。通行廣西撫按衙門。一體禁革。

萬曆二十四年例。凡有土官土舍。加納級等項。一體嚴行禁革施行。

按土官初隸吏部。驗封司。洪武三十年。凡掌土兵者。改隸兵部。其襲替關武選司。大抵與驗封不異。洪武中。土官無子弟。其婿與妻皆得襲。永樂中。襲替人文。出十年者。亦聽。其皆萬里赴闕。或獻馬方物。請命最謹。天順八年。上兩京徵號。詔許土官繳呈。勘奏。即與冠裳。於是介使未將。威福自恣。雖托羈縻之名。竟開驕悍之漸。成化十五

年。又有納穀備賑之令。則經制日卑。現取愈陋。孝宗末年。發憤釐革。至正德旋復。廢嘉靖九年。始曲為條約。稍復祖宗之舊。今攷府州縣正貳幕屬巡檢驛傳。凡三百六十。隸驗封。宣慰宣撫招討安撫長官。凡一百三十二。隸武選。隸驗封者。皆領於布政司。武選所隸。或領於都司。文武相維。機權攸寓。細大相關。掌股易運。數年來。鎮撫巡部諸臣。建白日煩。紛更已甚矣。典

土司銜

凡土司官。有武銜者。宣慰使同知。安撫司正長官。副長官。土十戶。百戶之類是也。有文銜者。土府同知。通判。推官。土州同。土縣丞。主簿。巡檢之類是也。長官司有屬宣慰司者。有屬府州縣者。有屬衛者。武銜土官。與屬宣慰長官。專用。目把漢把。夸而夸者也。文銜土官。與屬府州長官。事統於郡守州守縣令。夸而漢者也。屬衛長官。與衛官世姻。而勢難鉗制。不夸不漢者也。宋國積湧。小品。

土司世胄

土司惟諸岑最強。胄出岑彭。畫像雲臺。精應列宿。布星祭神。威擬王者。其女珠衣雀

扇。火齊金鏡。乍見訝為仙者。赤雅下同。

岑家兵略

岑氏家法。七人為伍。每伍自相為命。四人專主擊刺。三人專主割首。所獲首級。七人共之。割首之人。雖有照獲主擊刺者之責。但能奮殺向前。不必武藝絕倫也。

法制

土司法極嚴肅。鞭笞殺戮。其人死無二心。民法於私憤。勇於公鬪。似秦嚴刑峻法。嫺於文司。似鄭商販入其境。以二槍交植境上。曰關稅。未輸而越關者。許射之。既輸。暮行露宿。貨物狼籍。無敢睨者。

攻掠

凡有攻掠。禱鬼誓衆。乃推渠長。尚官把酒。賜綠熊練驅。錦雉氍毹。綠熊辟鹿。錦雉善鬪。欲其絕塵而鬪也。練氍。臂衣也。氍毹。戰服也。

雲彈君兵法

嶠南瑣記東蘭那地南丹三州狼兵部署之法與此同

雲彈娘相思寨兵。能以少擊衆。部署之法。將千人者。得以軍令臨百人之將。將百人者。得以軍令臨十人之將。一人赴敵。則左右大呼夾擊。一伍爭救。之一人戰沒。左右不夾擊。立斬。一伍之衆。皆論罪。及截耳。一伍赴敵。則左右呼而夾擊。一隊爭救。之一

伍戰沒左右伍不夾擊者即斬一隊之衆皆論罪及截耳不如令者斬退縮者斬走者斬言惑衆者斬敵人衝而亂者斬敵以金帛遺地拾者斬其功賞之法戰沒者臨陣躍馬前鬪因而破敵雖不獲級而能奪敵之氣者受上賞斬級者論首鬪斬級而冠同伍者輒以其伍屬之

彈娘感飾

狂女握兵符者得冠偏髻之玉披紫鳳之裘曳蝶綃佩文犀之印望之若神人矣何謂偏髻中以暖玉琢雙鳳頭握髮盤之北齊服禮志八品女冠偏髻結與此略同鳳裘白州綠含鳳毛所織色久鮮服之辟寒蝶綃冰蠶所珥織作蝶文輕逾火浣服之辟暑諺曰鳳裘無冬蝶綃無夏趨雪無前鶉雲無價趨雪駿馬名也

四姓髻鬟

髻有芙蓉有望仙有懷人有雙蛇有孤鳳有濃春有散夏有慎儂有萬疊愁有急手粧其下者有椎結有垂鞭有盤蛇有鹿角豪家髻鬟稍不稱者群笑之目為丁粧錦有驚頭錦花蕊錦蛇濡錦以蛇膏澤之辟毒霧入水不濡亦名龍油錦簇蝶錦以熟金為之古詩惆悵金泥簇蝶裙春來猶得伴行雲

徭人祀典

徭古八蠻之種。五溪以南窮極嶺海。迤邐巴蜀。蓋胡槃侯四姓槃姓居多。皆高辛狗王之後。以犬戎奇功尚帝少主。封於南山。系落繁行。時節祀之。劉禹錫時節祀槃瓠是也。其樂五合。其旗五方。其衣五彩。是謂五參。奏樂則男左女右。鏡鼓胡盧。忽笙雷響。瓠雲陽。祭畢合樂。男女跳躍。擊雲陽為節。以定婚媾。側具大木槽。扣槽羣號。先獻人頭一枚。名吳將軍首級。余觀祭時。以枕柳麪為之。時無罪人故耳。設首。群樂畢作。然後用熊羆虎豹。吻鹿飛鳥。溪毛各為九壇。分為七獻。七九六十三。取斗數也。七獻既陳。焚燎節樂。擇其女之姱麗嫵巧者。勸客。極其綢繆。而後已。十月祭多貝大王。男女連袂而舞。謂之蹈徭。

清 汪森編

歷代馭蠻

採學海通志

周安王十五年吳起相楚悼王南并蠻越遂有洞庭蒼梧

秦始皇帝二十五年王翦略定越地

三十三年遣任囂趙佗擊南越平之置南海桂林象郡漢武帝元鼎五年秋遣伏波

將軍路博德帥師擊南越克之置珠崖南海蒼梧鬱林交趾等九郡

光武建武十七年遣伏波將軍馬援征交趾平之

安帝元初三年蒼梧蠻裔反遂招誘鬱林合浦蠻漢數千人攻蒼梧鄧太后遣侍御

史任遵奉詔赦之賊皆降散

順帝永和。中侍御史賈昌朝與州郡討區憐等不克帝召百官議之

桓帝永壽五年長沙零賊入桂陽蒼梧南海交趾刺史及蒼梧太守望風逃奔遣御

史中丞盛修督州郡募兵討之不能克

資治通鑑

延熹三年蠻裔相聚與居風縣人朱達等攻殺縣令以夏方為交趾刺史降之

靈帝建寧三年。烏滸人衆亂。獷悍難制。時鬱林太守谷永。以恩信招降十餘萬。內屬皆授以冠帶。開置七縣。

光和元年春。合浦交阯烏滸蠻叛。攻掠郡縣。四年夏。刺史朱雋破之。

三年秋七月。蒼梧桂陽賊起。零陵楊璇討平之。

三國吳赤烏十一年。蒼梧賊亂。交州刺史陸徽平之。

冬十月。魏交州太守楊稷表毛晃為鬱林郡太守。

建衡二年。吳蒼梧太守陶璜破交州。執晉守將楊稷毛晃。三年。以陶璜為交州牧。攻

降夸僚。

梁中大通三年。樂山侯正則先有罪。徙鬱林。招誘亡命。欲攻番禺。廣州刺史元仲景

討斬之。資治通鑑

隋開皇十七年。桂州儂帥李光仕作亂。帝遣上柱國王世積發嶺北兵。與前桂州總管周法尚發嶺南兵討之。俱會於尹州。以令狐熙為桂州總管。降之。

是年秋七月。桂州人李世賢反。上議討之。諸將數人請行。上不許。顧右武侯大將軍虞慶則曰。位居宰相。爵乃上公。國家有賊。遂無行意。何也。慶則拜謝恐懼。乃以慶則

為桂州道行軍總管討平之。

資治通鑑

唐高祖武德初。蕭銑未平。以李靖為大將。帥巴蜀之師討之。靖駐師富川之長標。鎮號令嚴肅。秋毫無犯。銑平。以靖為嶺南撫慰大使。今富川廟祀不絕。

三年。左衛大將軍馮盎擊破蒼梧諸郡。據之。五年。馮盎等來降。初。李靖以功檢校荊州刺史。乃度嶺至桂州。分道招慰。盎承李靖檄。以其地為高羅春白等八州嶺南悉平。

是年。南平獠渠帥真。以寧越鬱林地降。自是交愛數州始通。

太宗貞觀元年。嶺南酋長馮盎等。迭相攻擊。遣員外散騎侍郎李公淹持節諭之。初。盎與諸酋長談殿等。迭相攻擊。久未入朝。諸州皆奏盎反。上欲發兵討之。魏徵諫曰。嶺南瘴癘險遠。不可以宿大兵。且告者已數年。而盎兵未嘗出境。此不反明矣。若遣信臣示以至誠。可不煩兵而服。上乃遣李公淹持節慰諭。盎遣其子智戴隨使入朝。上曰。魏徵一言勝十萬之師。不可不賞。乃賜絹五百匹。

七年。玉洞獠反。以右屯衛大將軍張士貴為龔州道行軍總管平之。十二年。鈞州獠叛。桂州都督張寶德討平之。

高宗永徽二年。竇義二州蠻寇邊。桂州都督劉伯英敗之。

龍朔三年。柳州蠻叛。莫州都督劉伯英以嶺南兵伐之。儀鳳中南蠻反。令裴懷古馳驛往懷輯之。懷古既至。申明誅賞。歸者日以千計。俄縛首惡。遂定南方。蠻夸立石著功。後始安賊歐陽倩聚眾數萬。掠掠州縣。以懷古為桂林都督。招討使。懷古躬至壁。撫諭倩等大喜。悉歸所掠。請降。雖諸洞素翻覆者。亦牽連報附。嶺外以平。

唐延載元年。嶺南獠反。以容州都督張玄遇為桂永等州經畧大使。以討之。資治通鑑

肅宗至德初。西原黃橙等尚蠻叛。僭號為王。乾元初。始遣使討降之。

乾元初。夸酋梁崇牽等合兵內寇。桂管經畧使邢濟擊平之。

代宗廣德二年。梁崇牽等據容州。經畧使王翊募兵擊平之。

德宗貞元十年。西原黃崗首領黃少卿攻邕管。以唐州刺史陽旻為容管招討經畧使。討平之。先是。邕管經畧使孫公器請發兵討少卿。德宗不許。命中人招諭。不從。俄陷欽。橫。潯。貴四州。少卿子昌沔趨勇。前後陷十三州。氣勢益振。陽旻引師掩賊。一日六七戰。皆破之。侵地悉復。

河間王孝恭遷襄州。道行臺左僕射。遣使綏輯嶺表諸州。時嶺表未平。孝恭分遣綏

輯安慰其款附者四十九州

漢陽郡王琛代孝恭為荊州都督遣使慰諭嶺外酋豪時嶺外酋豪數相攻擊琛遣使諭以威德酋豪皆如約不敢亂

憲宗元和十一年黃少卿復屠巖州桂管觀察使裴行立請討之

是年黃少卿復攻欽橫二州邕管經略使韋悅破之

穆宗長慶四年少卿酋領黃昌瓚遣其黨陳少奇等歸款經略使聞於朝納之是時儂氏黃氏與韋氏周氏並為西原部酋領而儂黃最强盛德邕管經略使徐申厚撫之黃氏納質而入三部二十九州蠻皆定

敬宗寶曆元年黃少卿與其弟少高歸款初少卿攻陷州郡為招討使陽旻所破元和初邕州又擒其別將黃承慶至是少卿始降乃拜為歸順州刺史少高為賓州刺史

文宗太和間經畧使董昌齡遣子蘭討平儂黃崗夸時種黨諸蠻帖然畏服有違命者必嚴罰之

唐咸通元年秋七月南詔攻邕州陷之先是廣桂容三道共發兵三千人戍邕州三

年一代。經略使段文楚請以三道衣糧自募土軍以代之。朝廷許之。所募纔得五百許人。文楚人為金吾將軍經略使。李蒙利其闕額衣糧。以自入。悉罷遣三道戍卒。止以所募兵守左右江。比舊什減七八。故蠻人乘虛入寇。時蒙已卒。經略使李弘源至鎮。纔十日。無兵以禦之。城陷。弘源與監軍脫身奔蠻州。二十餘日。蠻去乃還。弘源坐貶建州司戶。文楚時為殿中監。復以為邕管經略使。至鎮。城邑居人什不存一。資治通鑑

咸通間。員州黃崗首領儂金勒等。自相攻殺。邕管節度使辛諱遣人諭解之。

乾符六年。桂陽賊陳彥謙陷柳州。殺刺史董岳。資治通鑑

昭宗大順二年。環林賊叛。據宜州。蘇仕評入援平之。是年宜之環林等州賊叛。據其城。賊立德元帥發號令。官軍逃匿殆盡。仕評柳州亞將開遊奕院於柳。聞變發兵從間道出一枝。自洛黃東來。一枝取道羅城。一枝從遷江入。賊腹背受敵。斬獲無算。餘黨盡皆解去。宜州復平。

宋太祖開寶三年。南漢劉鋹據嶺南。賦斂繁重。作刀山劍樹之刑。太祖歎曰。吾當救此一方民。以潘美為桂州行營都部署伐之。鋹遣龔澄樞來逆。宋師至富川。克之。明年克賀州。又攻昭桂下之。

五年。邕州獠人作亂。廣州行營都監朱憲大破之於容州。

七年。南丹州酋帥莫洪贊遣使陳紹規奉表求內附。九年。南丹州酋帥莫洪贊來貢。求賜牌印。詔刻印以給之。太宗太平興國二年。命邕州廣源州酋長坦坦綽儂民富為檢校司空御史大夫上柱國。

五年。南丹州酋帥貢銀百兩以賀太平。自洪贊領州十餘年。每歲輸白金百兩。

雍熙四年。南丹州土人莫淮閭作亂。詔服之。淮閭莫洪贊族人。知寶隆鎮。有牛為宜州牙校周承鑿所得。淮閭遣人取之不還。淮閭怒。領鄉兵劫取承鑿家。賞誘群蠻為寇。使供奉官王承緒發諸州兵進討。兵未至。悉已遁歸。以詔諭之不復為寇。

六年。撫水蠻數寇邊境。取民口畜產。下詔書招安之。

淳化元年。南丹州土官莫洪皓遣其子淮通來貢。洪皓襲兄洪贊職。稱刺史。遣淮通來貢銀益二十。銅鼓三面。銅印一鈕。旗一帖。繡真珠紅羅襦一。帝降優詔。賜練百匹。還其襦。

是年。莫洪皓引兵攻弟。下詔戒之。洪皓襲兄洪贊職。專地利。不修常貢。其弟洪沅忿之。挈妻子來奔宜州。洪皓怒其背己。數引兵攻之。洪沅與二男并牙將一人乘傳詣

闕訴其事。請發兵致討。上以蠻夸之俗。羈縻而已。不欲為之興師報怨。沅先自稱南丹州副使。以為邵州團練使。給田十頃。下詔戒勅洪皓。

真宗咸平四年。撫水蠻又為寇。宜州守將擒其黨。送闕下。賜錦袍冠帶銀綵。戒勅遣之。景德元年。西南牂牁諸國遣使奉貢。詔廣南西路發兵援之。時詔西南牂牁諸國進奉使親至朝廷者。發兵援之。又矜其道遠。人馬多斃。因詔宜州。自今可就賜恩物二年。賊掠容州蒼梧。陳坦然論退之。

三年。撫水酋蒙填。以其部蠻侵邊。詣宜州自陳。願朝貢謝罪。詔守臣諭以盡還所掠民貨畜。乃從其請。

四年。詔約勒宜州亂軍。時宜州亂軍。朝廷恐宜融溪峒。因緣侵擾。因降詔約勒。首領皆奉詔。部分種族。無敢輒動。

大中祥符六年。撫水州酋指揮蒙坦。挈族來歸。徙於桂州。

是年。詔以歸化州酋蒙隻。補壯密州別駕。兼海州都押牙。蒙隻乃殿直肚之子。先嘗告賊。署為昭州押牙。因詔補以前任。賦以官田。

九年。詔南丹州莫淮迪。約勒谿峒。勿從誘脇。時撫水州蠻叛。恐誘脇谿峒。因詔莫淮

迪約勒之及撫水州蠻平迪等並以勞進秩初宜州言淮迪頗集諸蠻阻富仁監道
路帝察知淮迪無侵擾狀遣使犒諭撫勞之

是年撫水州蠻數寇詔從曹克明俞獻可便宜掩擊大敗之首帥蒙承貴等面縛詣
軍門俯首謝罪詔令弗殺承貴因請改州縣名自是不復為患

仁宗景祐三年南丹州莫淮戰孛族來歸命為湖南州團練副使刺州

四年安化州蠻寇宜融州詔廣西鈐轄討之

慶元元年安化州蠻寇融宜州詔發澧潭二州戍兵合數千人往擊之賊勢方熾至
殺運糧官吏復詔促兵討之乃平

慶曆四年宜州蠻區希範謀叛詔購討平之

慶曆間安化州蠻攻殺將吏所部卒懼誅謀欲叛徐的諭降之

皇祐元年儂智高謀叛命狄青為宣撫使率諸將討平之

是時宜州所隸鎮寧州蠻酋莫陵等七百人內寇遣西京作防使郭志高閭門祇候
梁詔熙往討未至而陵等詣桂宜州巡檢李仲政請降廣西轉運使不俟詔貸其罪

詔劾之已而釋之

是時樞密副使王堯臣請析廣西宜容邕州為三路以融柳象隸宜州白高賓雷代鬱儀藤梧龔瓊隸容州欽賓廉橫潯貴隸邕州遇蠻入寇三路會支郡兵掩擊令經略安撫使守貴州以統治焉益募澄海忠敢士軍分屯運全永道三州米以餉之罷遣北兵遠戍時狄青經制嶺南詔青審議以為便

至和二年安化州人貢詔以知州蒙全會為三班奉職又以監州姚全科為借職是時融州屬蠻大丘崗首領楊光朝內附又有楊克端等一百三人來歸

嘉祐六年安化州來貢自來貢後月赴宜州參謁及貢巨板每歲州四犒賞三歲聽輸所貢兵械於思立砦以其直償之遞以官資遷補

英宗治平三年左右兩江凡四十五谿崗知州將各籍其壯丁聽廣南西路安撫司調集以備緩急

神宗熙寧三年徭賊殺人南丹酋長莫世忍執以獻投檢校禮部尚書

五年章惇遣喬執中知全州將往而大田三砦蠻犯境又飛山之蠻近在全州之西執中至全州大田諸蠻納款於是遂檄諭開梅山蠻徭爭闢道路以待

九年春正月交趾陷邕州知州蘓緘死之先是交趾譏青苗法大舉入寇邊城王安

石聞欽廉陷。已不悅。以趙高為安南招討使。宦者李憲副之。交人復入寇。邕州蕪緘。悉力拒守。外援不至。城遂陷。緘殺其家三十六人。因自焚死。城中人感緘之義。無一人從賊者。於是交人盡屠其民五萬八千餘口。二月。召李憲還。以郭達為安南招討使。趙高副之。帥師討交趾。詔占城占臘合擊之。十二月。郭達敗交趾於富良江。悉復之。元豐三年。南丹州莫世忍入貢其印。以西南諸道武威軍德政官家明天國王為文。詔以南丹州印賜之。令毀其印。

六年。莫世忍以大軍討安化州蠻。因獻弓矢。自言願世世為外臣。修貢不懈。遷檢校戶部尚書。給銅牌旗號。官其子姪九人。

哲宗元祐初。詔悉廢所置郡。時傅堯俞言。置沅誠二州以來。費巨萬計。公私騷然。朝廷方務休息。痛懲邀功生事。廣西張整融州溫嵩皆寘之罪。詔諭湖南北及廣西路。悉廢所置郡。

徽宗崇寧二年。安化州酋蒙光有復嘯聚為寇。經略司遣將官黃忱等擊卻之。冬十二月。融州酋楊晟天等內附。

三年十二月。廣西黎酋酋楊晟免等內附。

五年十二月廣西黎峒酋韋晏關等內附。

尋令廣西招納左右江四百五十餘峒。

大觀二年安化州以戶口來附。是年安化州以三州鎮戶口六萬一千來附。上詔以知融州程鄰往黔南路撫諭官吏推恩有差。

欽宗靖康中賊曹成據道賀二州以岳飛為荆湖東路都總管討平之。

高宗紹興元年詔議處置諸州隘砦時監察御史明橐言湖南邊郡及二廣之地舊置谿峒歸明官比年寔廣宜令二廣湖南帥臣處置適宜無啟邊禍詔下其議。

三年以南丹州酋長莫公晟為都巡檢使初公晟攻圍觀州焚寶積監宰臣朱勝非奏此皆崇觀宣和以來所開新邊往往棄而不守帥臣監司屢言觀州為控扼之地不宜棄帝曰前日用事之臣貪功生事公為欺罔其實勞民費財使遠俗不安也廣西經略安撫使劉彥適又言公晟自添差路分鈐轄逃去後未曾差官乞先與一職名欲於遠郡下添人知南丹州兼谿峒都巡檢使提舉盜賊公事舊賜南丹州刺史印令依舊行使從之而公晟未出受命。

四年詔罷廣南西路平觀二州時明橐言平觀二州宜罷樞密院亦上言廣西沿邊

堡砦。昨因邊臣希賞。改建州城。侵擾蠻裔。大開邊釁。地屬徼外。祖賦亦無所出。而支費煩冗。郡民不堪其徼。遂皆廢罷。唯平觀二州。以帥臣所請故存。今觀明索所奏利害之實。昭然可見。緣帥臣又稱公晟於南丹。觀州實積監境上。不時竊發。若廢二州。恐於緣邊事宜。有所未盡。詔令廣南西路帥漕憲司。共條具利害以聞。既而諸司交言。平觀二州。因敵已甚。有害無益。請復祖宗舊制。為便。詔從其言。

八年。命廣西漕臣。仍復饋運靖州。是年。帝問左右曰。靖州隸湖北。今聞仰給廣西。何也。趙雄對曰。靖州本谿崗。神宗時。荆為城州。元祐間廢。尋復為軍。徽宗朝。始改請州。與桂府為鄰。故令廣西給其金穀之費。近歲漕司匱乏。乃責辦諸州。以故不能如約。宜復舊制。俾廣西漕臣。如期饋運。靖州屯戍官兵。聽守臣節制。於事為便。帝從之。

十年四月。全州建議立屯防閑谿崗山徑。其議云。本州密邇谿崗。邊民本非姦惡。其始朝廷禁法。非不嚴密。監司州郡。非不奉行。特以平居失於防閑。故馴致其亂。又兼溪谷山徑。非止一途。如靜江永安之大通墟。武岡軍之新寧盆溪。及八十里山。永州之東安。皆可以徑達谿崗。其地綿亘郡邑。非一州得專約束。故遊民惡少之棄本者。商旅之避征稅者。盜賊之亡命者。往往由之以入萃。為淵藪。交相鼓扇。深為邊患。為

合計者宜徙閑地巡檢兵及分遣士卒屯諸谿谷山徑間俾湖南北廣西帥憲總其役庶幾事權有所歸而號令可行也

十五年詔禁騷擾谿崗徭人知全州高楫言徭人今皆微弱不敢先侵省地若官每縱人深入掠其財物遂致乘間竊發宜詔禁谿崗接壤州郡毋擾徭人庶使邊民安業以廣陛下柔遠好生之德帝納其言詔守臣一遵成法務在撫綏

二十四年南丹州酋長莫公晟貢馬率諸蠻來歸初公晟以王祖道開邊激叛幾二十年至是始納款帝諭輔臣曰得南丹非為廣地也但徭人不叛百姓安業為可嘉爾是年以莫延沈襲公晟職廣西經略安撫使呂愿中諭降諸蠻三十一種得州二十七縣一百三十五砦四十崗一百七十九及一鎮三十二團皆為羈縻州縣是時安化州酋蒙全劔等八百人劫義寧砦火其屋宇廣西帥臣道縣砦將佐發兵討平之孝宗乾道四年二月詔湖南北四川二廣州軍應有谿崗處務先恩信綏懷毋弛防閑毋襲科擾毋頻攻而啟釁委各路帥臣監司常加覺察

是月詔禁民獠交通沿邊姦人毋越逸谿崗誘致蠻獠侵內地違者論如律其不能防閑致越逸者亦罪之

九年廣西帥范成大諭降諸徭。

淳熙元年南丹為永樂州所攻使來告急廣西帥臣將領陳泰權天河縣主簿徐彌高諭和之。

六年夏六月陸川賊李接攻陷鬱林博白等州縣圍容州不克守臣李端卿棄城走七年營鬱林州城陸川賊入據州治後援兵自雷州至賊退走。

十一年勅帥曹以時給溪崗鹽錢初知宜州馬寧祖不支思立砦鹽錢執議以為前守所積逋止給錢一月不能遍及蠻部權思立砦將領楊良臣復鎮撫平方遂致激變安化蠻蒙光漸等作亂詔罷良臣貶寧祖秩而有是勅。

是時安化州蠻蒙光漸率眾剽掠犯宜州思立砦廣西兵馬鈐轄沙世堅出兵討之初世堅言官軍與徭人兵器利鈍不同宜勅沿邊軍州多置強弩毒矢以懼徭人從之時馬寧祖楊良臣激變光漸等因命世堅討之。

十三年廣西漕臣禁民私販鹽利通舍時漕臣胡廷直議謂邕州之左江永平太平等砦在祖宗時以其與交趾鄰壤實南邊藩籬重地故置其州州籍其丁壯以備一旦之用規模宏遠矣比年邊民率通交趾以其地所產鹽雜官鹽貨之及減易馬鹽

以易貨。忽而不防。恐生邊釁。所宜禁戢。既而諸司上言。經略司初準朝旨。置馬鹽倉。貯鹽以易馬。歲給江上諸軍。及御前。進用銀綿。悉與蠻奪互市。其永平若所易交趾鹽貨。居民食皆舊制也。况邊民素與蠻奪。私相貿易。官不能制。今一切禁絕。非惟左右居民乏鹽。而蠻情之巨測。恐致乖異。乃牒邕民。禁民毋私販交趾鹽。以妨鈔法。寧宗慶元四年。蒙尙蠻袁康等為亂。廣西帥司招降之。

嘉定三年。章戡議請增置雄邊軍人。知靜江府章戡議請廣西所部二十五處。三方臨谿。尙與蠻徭黎蕃雜處。跳梁負固。無時無之。西南最為重地。邕欽之外。羈縻州七十有二。地里綿邈。鎮戍非一。請增置雄邊軍二百人。及調憲司甲軍二百。隸帥府。初安平州李密。侵鄰尙。劫掠編民。併取古甌。尙以其幼子變姓名。為趙懷德。知尙事。戡諭邕守推古甌一人主之。

十一年。詔增築城堡。練習民兵。以息邊患。是年。臣僚復上言。慶曆間。張方平嘗以為朝廷每備西北。孰不知徭獠衝突。嶺外南鄰。交趾勢須經營。唐時西備吐蕃。其後安南寇邊。旋致龐勛之禍。國朝每憂契丹。吳而儂智高。陷邕州。南徽駭動。天子為之旰食。豈細故哉。臣等比見淮南間。版築薦興。更戍日益。而廣南城隍。摧圯不葺。戍兵

逃亡殆盡。春秋校閱，郡無百人。雖有鄉兵義丁之名，實不足用。緩急豈能集事。宜於嶺南要地，增築城堡，籍其民兵，歲時練習，定賞罰格，以示懲勸。如此則號令嚴明，守禦完固，民習戰鬪，可息徭蠻侵掠之患。詔從之。度宗咸淳二年，叛賊楊先攻陷容州。知州趙若詵死之。

元世祖至元十四年，南丹牧莫秀太內附。時阿里海牙率兵取靜江，分遣萬戶脫溫、木花狗慶遠下之。秀太納款。

四月，特磨道將軍將農士賁知安平州、李維屏知安州、岑從毅等以所屬州縣谿洞一百四十七戶、二十五萬六千來附。

至元二十一年二月壬辰，邕州賓州民黃大成等叛，梧州韶州衡州相連而起。湖南宣慰使撒里蠻將兵討之。資治通鑑

成宗元貞二年二月，廣西賊陳飛雷、通藍、青謝於寇，昭、梧、藤、容等州，湖廣左丞八都馬辛擊平之。資治通鑑

大德間，兩江岑雄與黃聖許等讐殺擾邊，出榜招諭之。時二族屢相讐殺，湖廣行省司郎中謝讓謂此曹但可懷柔，不宜力競，寬法羈縻，俾不致跳梁可也。若舍中國有

用之民爭矣荒不毛之地非常策也因榜諭以安之

仁宗延祐元年秋八寨徭寇橫州

四年九月兩江龍州萬戶趙清臣太平路總管李興隆率土官黃法扶何凱並以方物來貢

英宗至治二年十二月兩江來安路總管岑世興遣其弟世元入貢

晉王泰定二年六月廣西諸徭叛命湖廣行省左丞乞住兵部尚書李大成將兵二萬二千討之時桂林柳州屬湖廣故令湖廣行省討之

七月靜江徭為寇遣廣西宣慰使發兵捕之

十月廣西徭潘見寇柳州命湖廣行省左丞乞住捕討之是時廣西宣慰使捕獲徭酋潘寶下獄其弟潘見遂寇柳州故仍命湖廣行省討之

是月廣西徭酋何童降請防邊自效從之

三年二月廣西全茗州土兵許文傑率諸徭以寇茗益州殺知州事李德卿等命湖廣行省督兵捕之

四月鎮安路總管岑修廣為弟修仁所攻來告命湖廣行省辨治之

五月。來安路岑世興及鎮安路岑修文率山獠角蠻六萬餘人為寇。命湖廣雲南行省招諭之。

八月。太平路總管郭挾奉方物來獻。

十二月。右江諸寨土官岑世忠等奉方物來獻。

是時。兩江黃聖許與岑雄二族讐殺元城高昉。為湖廣行省平章。請詔諭之。是時黃聖許岑雄二族又相讐殺元城高昉。謂遐荒之人。撫則治。擾則亂。請部使者詔諭之。果相率效順。

致和二年十二月。兩江來安路總管岑世興作亂。遣兵討之。

文宗天曆二年二月。廣西思明路軍民總管黃克順奉方物來獻。

八月。廣西思明州土官黃宗永遣其子奉方物虎豹來獻。

至順元年閏七月。廣西徭于國安率眾一十五百人寇修仁荔浦等縣。令廣西元帥府發兵捕之。賊皆潰走。生擒國安。

十月。廣西徭寇橫州。及永淳縣。勅廣西元帥府率兵捕之。

十一月。詔促官軍進勦徭賊。時徭賊叛。官軍進勦稽遲。廣西廉訪司言。今討叛徭。各

行省官將兵二萬人皆屯駐靜江。遷延不進。曠日持久。恐失事機。詔遣使趣之。至二年四月。徭賊悉平。

順帝元統二年二月。廣西徭寇邊殺官吏。陷賀州。大掠富川。又攻恭城平樂。命廣西宣慰使都元帥章伯顏為鎮國上將軍。統河南江浙江西湖廣諸軍及八番義從軍討平之。

後至元初。慶遠南丹等處谿峒安撫司莫忠赦黨賊殘民。平章探馬赤討之。時忠赦弟莫八等率其黨以叛。道路不通。至正初。伯顏與省臣議遣使招諭。莫忠赦之子莫鎮南弟忠勳莫七莫八莫十等來降。聞於朝。皆命之以官。

至正十二年。兩江峒賊黃聖許等攻掠永淳縣。於是遷縣治於三州村。

二十八年二月。南丹州莫國麟入覲。上授國麟以安撫使三珠虎符。

二十九年閏六月。土官黃聖許叛。詔討之。初。邕州上思州土官黃聖許擁衆二萬。結交趾為援。寇陷忠州江州。及華陽諸縣。詔遣右丞程鵬飛討之。聖許敗走。入交趾。九月。中書省請設管軍民司官。時中書省臣言。邠雞十圍安化等來附。峒蠻凡八萬。宜設管軍民司。以其土人蒙意。蒙世莫仲文為長官。以呂天祐塔不帶為達魯花赤。

粵西叢載卷二十六

清 汪森編

明朝馭蠻

采學海
通志

明太祖洪武元年秋七月乙巳。廣西左江太平府土官黃英衍。右江田州府土官岑伯顏等。遣使齎印章。詣平章楊璟軍門降。思明路土官黃忽都亦齎印章詣軍門納款。受約束以歸。

冬十一月丙午。遣中書照磨蘭以權齎詔諭廣西左右兩江谿峒官民。

二年七月。中書省臣言廣西諸洞雖平。宜遷其人內地。可無邊患。上曰。溪洞狃獠雜處。其人不知理義。順之則服。逆之則變。未可輕動。惟以兵分守要害。以鎮服之。俾日漸教化。則自不為非。數年之後。皆為良民。何必遷也。三年八月。湖廣行省平章楊璟等。還自廣西。入見。上問廣西兩江黃岑二處邊務。璟言蠻夷之人。性習頑獷。散則為民。聚則為盜。難以文治。當臨之以兵。彼始畏罪。上曰。蠻夷之人。性習雖殊。然其好生惡死之心。未嘗不同。若撫之以安靜。待之以誠意。諭之以道理。彼豈有不從化者哉。此所謂以不治治之。何事於兵也。

秋九月上思州酋蠻黃龍關作亂命潭州指揮同知丘廣為總兵官寶慶衛指揮僉事胡海廣西衛指揮僉事左君弼為副率兵討之龍關一名英傑英傑陣死弟英覽俘斬餘悉撫定

是年治上思州土官黃英行罪編管泰州前元至正十九年己亥英行乘元季亂聚兵據太平路奪印行總管事劫遷兵民於口盧建治垂十年洪武元年秋七月平章楊璟等取廣西以兵徇左右江英行懼遣使奉印納款按罪當誅以乞降貸死舉族移泰州改太平路為府銓流官知府治之

三年十月己巳廣西向武州土官黃世鐵父志威來朝貢馬及方物

是年廣西諸蠻叛行中書省參知政事蔡遷討平之

四年廣西谿崗蠻獠亂廣西衛指揮左君弼等討平有功命賜弼帛綺二十疋千戶蔡天祿以下四人有差

是年柳賓蠻賊攻劫融縣柳州衛指揮蘇銓率兵奮擊賊敗後復聚眾剽掠銓設法擒之自此畏服不出民賴以安

是年大藤峽崗蠻聚眾攻劫郡縣柳州衛指揮于海率兵奮勇長驅賊潰搜勦殆盡

一方遂安

五年正月。上以古州思州澧州等處洞蠻嘗梗化作亂。命衛國公鄧愈為征南將軍。江夏侯周德興。江陰侯吳良為副將軍。討之。愈率榮陽侯楊璟。宜春侯黃彬。出澧州。德興率南雄侯趙庸。指揮僉事左君弼。出南寧。良率平章李伯昇。出靖州。三道並進。是年。命韓觀為廣西桂林衛都指揮僉事。與世襲時象州等處叛賊。勢焰方熾。觀率官軍擊之。賊敗走。有潛匿謀再舉者。掩而殲之。威懾蠻夸。邊境寧謐。

吳良率兵深入。征左右兩江諸州蠻酋。數月。平其地。俘獲不可勝計。

五月。吳良移兵勦五谿蠻。悉殲厥眾。良猶欲懷之以恩德。招附納降。古州八萬古州今懷

遠縣屬柳州府。乃懼而降。曰。尚曰寨。凡二百餘所。編戶附籍。願為之氓。郡境寧謐。

九月。周德興等。討婪鳳安田等諸洞。悉平之。遂克泗城州。

六年六月辛未。江夏侯周德興言。田州土官總管黃志威。招撫奉議等州一百一十七處。夸人皆來款附。上嘉志威招撫之功。命以安州侯州陽縣屬之。

八年。楊文調桂林左衛屯軍。陳華四糾合瑤人李季九等為亂。即領旗軍直抵平樂府。谷塘等村。勦捕之。後平象州武仙叛賊。

十四年。賓象溥諸谿崗蠻賊。剽掠沿邊。廣西指揮徐玄。領兵進擊。破白崖小藤。擒殺賊韋公廣等數百餘人。皆竄入溪谷。玄乃抱石登崖。為士卒先。倍道直抵巢穴。擊破崖崗數十寨。擒賊八百餘人。

十六年。東蘭那地賊犯邊。廣西指揮徐玄。領兵擊之。斬首千餘級。平峇二十四。

十七年。閏十月。象州土吏覃仁用。言其父景安。故元時。嘗任本州巡檢。有兵獐二百人。今皆為民。請收集為軍。上不許。

十八年六月。廣西都司言。頻年。猺寇竊發。皆因居近溪洞之民。與之相通。誘引為患。請先捕戮此輩。庶絕其黨。上曰。溪洞之民。引誘猺獠為寇。此誠有之。然其間豈無良善。若一概捕戮。恐及無辜。大抵馭蠻夸之道。惟當安近以來。遠不可因惡以累善。非實有左驗。不宜捕戮。

二十年六月。潯州知府沈信言。府境接連柳容梧藤等州。山谿險峻。猺賊出沒不常。實為民患。臣愚以為桂平平南二縣。舊附猺民。皆便習弓弩。慣歷險阻。若選其少壯千餘人。免其差徭。給以軍器衣裝。俾各團村寨。置烽火。與巡檢司民兵相為聲援。協同捕逐。可以殲之。上曰。蠻夸梗化。彼習然也。使守土之官。能招揀之。何用殺戮。若無

事。但當謹其防禦。使不為患耳。苟其為寇不已。民有不堪。則發兵討之。何必團寨。二十八年。龍州土官趙宗壽等叛。命左都督楊文等率軍討之。時上命楊文佩征南將軍印。為總兵官。廣西都指揮使韓觀為左副將軍。都督僉事宋晟為右副將軍。劉真為參將。率京衛精壯馬步官軍三萬人。至廣西。會各處軍馬。總十五萬。討龍州土官趙宗壽等。宗壽上章言狀。上詔下吏議。既而以蠻夸遠人俱釋之。至是復有人告常茂匿龍州。見未死。前宗壽所言皆妄。遂命右軍都督府榜諭宗壽及其官民人等。尋發大軍討之。

是年。奉議州等處土官作亂。詔楊文移兵征之。時兵部尚書唐鐸還京。言宗壽伏罪來朝。乞罷兵征。乃詔楊文移兵征奉議等處。仍命鐸至軍參議軍事。於是奉議州土官黃世鐵。南丹州土官莫金。及都康向武等州土官皆作亂。都督楊文等以九月率大軍至龍州。既降宗壽。遂移師諸州。十月師至奉議。斬黃世鐵。梟首以殉。分軍勦向武。都康等州。擒斬蠻眾。至鎮安府。撫定土官岑志綱。即徵其土兵。抵龍英州。防遏賊衝。尋獲土官黃嗣隆。斬之。復攻進南丹州。土官莫金奔遁。殺其子莫萬和。擒莫應臺等械之軍中。諸軍追至永州。斬獲莫金。并大藤峽等關寨。擒殺幾二萬。招諭復業者。

六百餘築城開設奉議南丹潯州慶遠四軍民指揮使司向武河池懷集賀縣四守禦千戶所以鎮守之所獲糧牛就給新立衛所以領屯種二十九年班師

三十五年柳州等處蠻民嘯聚劫掠遣禮部主事李宗輔等賫勅往赦其罪諭令復業如執迷不悛調兵剿除

成祖永樂二年思明府知府黃廣成奏先臣故地祿州西平州永平寨被安南侵擄乞天恩諭使歸還上納之

八月荔波縣民覃真保奏八十二洞徭民願隸編籍乞遣使招撫命都督韓觀遣人撫諭願為民者復徭役三年

三年二月遣兵部尚書徐子良等諭柳州武宣洛容二縣民黃田等及荔浦縣民廖均用等各復原業永為良民若怙終不悛調軍蕩除

韓觀奏桂平縣蠻民為亂請發兵剿捕上勅諭撫安不許發兵
十二月平樂蠻賊莫彥恭等聚眾劫殺良民都指揮葛森奉命剿平之

五年迷昆等鄉首賊韋公本等作亂都督韓觀等率兵討平之
十九年宜山首賊韋萬皇等叛僭稱王侯糾馬平三五等都賊攻劫州縣殺死御史

諸璞奪其印。命征蠻將軍鎮遠侯顧興祖率大軍討之。興祖帥湖廣貴州廣西三省之兵。先剿永福。以通道。諭降荔修諸賊。以攜其黨。執偽通天侯韋萬賢。廖用等百餘人。斬之。餘皆奔潰。明年擒首賊梁善總等。獲御史印。二十一年。賀縣樊家屯賊起。二十二年。平賀二縣。並起。宣德二年。富川縣賊廖六把又起。興祖先後討平之。二十一年。宜山思恩河池等縣。猛賊復亂。征蠻將軍鎮遠侯顧興祖分兵擊之。宣宗宣德三年。太平府崇善縣土官以兵逼府境為亂。太平守禦千戶所趙欽鄭忠等率軍禦之。暹敗走。事聞。下督府遣官計擒暹。誅之。赤其族。改銓流官。四年四月。廣西總兵山雲討柳潯二州寇。并誅其從寇二十四百八十人。梟首境上。以徇。歸寇所掠軍民男婦四百四十六人。以聞。上謂尚書張本曰。蠻性兇悍。其死皆自取。今瘴癘之時。宜速令雲息兵。有未服者。遣人招諭。若能順服。亦可寬貸。五年十一月。山雲出師討慶遠蠻寇。斬首七十四百平之。

英宗正統二年正月。廣西總兵山雲等奏泗城州土知州岑豹攻奪利州知州岑顏地方。并掠其妻子財物。雖朝廷屢遣官撫諭。而負固不服。增兵據守。乞量調官軍剿之。上勅雲遣人諭其輸款。如不悛。即加剿滅。

五月山雲奏柳州懷遠縣板江等寨蠻寇韋潮振等一千七百餘徒嘯聚行劫恐滋蔓為患宜調兵剿之上勅雲撫諭

六年桂平等處地方弗靖勅總兵等官撫安之

七年首賊韋萬皇餘黨為亂詔思恩府土官岑瑛撫治之先是萬皇等作耗命總兵官鎮遠侯顧興祖統大軍抵巢剿捕各賊聞風奔入山林潛住班師後復出為害宜山縣知縣朱斌備以前項作耗地方奏准撥與岑瑛管治

九年桂林等府修仁等縣蠻作亂命安遠侯柳溥為總兵官討平之

十年宜山述昆等鄉首賊韋萬秀作亂寇河池所驛鎮總兵官柳溥討平之

正統間萬承思同結倫結安羅陽等州土夸出沒剽掠鄉邑那樓寨義勇陸懋率鄉民擊之十二年六月僉舉懋功奉勅合授本寨土副巡檢世襲

十四年夸賊竊發思明府官族丘溫衛土官指揮黃琰思恩土官知府岑瑛各以兵隨征蠻夸畏之

是年副總兵都督武毅既平廣東叛賊黃蕭養旋師在途牌招修仁荔浦等處首賊數百悉赴撫諭回巢各縣地方相連稍安

代宗景泰元年二月富川等處民徭妖亂都督田真遣官勦平之時富川縣靈亭鄉下設源徭人盤姓子糾冷水諸源徭人廖八子湖廣江華永明二縣民徭王茂何音保等妖言惑集千餘人屯八尺澤偽稱勝道君王名號征蠻將軍都督田真遣指揮葛宗蔭率兵進勦以參政錢奐僉事鄭觀監之三月二十八日破巢斬首六百六十有奇俘獲男婦九百八十餘口撫餘黨平之

秋七月副總兵武毅招立山荔浦修仁等處蠻賊出降江路漸通九月內武毅孫麒等五路出兵截之斬首七百餘賊頗斂迹

二年思明府黃錫弒其父瑯提督侍郎李棠等誅之

是年馬平賊韋朝天等寇桂林境

三年宜山賊韋萬秀等流劫不息參將孫麒斬賊級一百五十參將范信殺獲大藤峽等處賊首侯通三等二百三十有奇蠻寇遁散

四年總督都御史王翱檄廣東僉事李觀智撫五屯龍山諸賊平之

五年四月宣化盜起劫南寧府初南寧指揮僉事左君弼覈民之無籍者為軍又縱所部軍士入山伐木民多驚擾遂相構為盜詔發廣西官軍討平之斬首百餘級生

擒二千八百餘人。獲馬五十匹。仍命大都督府按君弼罪。而禁戢其卒。

英宗天順二年十一月。廣西都指揮馬瑄。百戶施觀。死於賊。先是全州蠻糾引武岡州楊蓬等。尚苗人。越至全州山川壇巖前等處為患。總兵朱瑛。右都督陳旺。領兵往勦。兵無紀律。瑄等遂為賊所殺。義寧等處俱失利。

四年八月。藤縣民胡趙成。因事充軍。遇革。造妖言。構集大藤峽等山賊。攻陷諸縣治。燒劫衙門。殺擄官民。掠去竇家寨巡司印信。荼毒一方。都御史葉盛。督參將范信。副使雷復。都指揮韓瑄。督領指揮張錦。王銘等官兵。擒斬成等三十三名。奪回印信。脇從者不治。

五年。迷昆鄉賊為亂。仍以地方改撥思恩府土官岑瑛撫治之。自都指揮彭英謝事。代以黃鉞。首賊韋父強等復叛。同知葉禎奮義率民兵征之。鉞忌其功。遣謀泄機於賊。以殺禎。自是賊勢益熾。府縣申議。以前地方復畀瑛治之。立八仙堡。以土兵千人戍焉。賊稍斂。

十二月。葉盛同都督顏彪。討大藤蠻賊。督兩京漢達。并江西湖廣浙江等衛所。及官軍土兵壯快人等。分道夾攻。破老鼠。道袍石門。紫荆。金龍。白鶴。六廟。仙女。關。通天。嶺。

等巢七百二十一處擒斬首從賊徒三千二百十七名顆燒燬房屋禾倉萬七十二百間追奪賊船五百三隻奪回被擄男婦五百三十一名口牛馬五百二十四匹器械五千七百一十件。

七年九月廣西潯梧懷賀山賊流劫廣東雷廉高肇新會地方勅總兵官秦寧侯陳湮副總兵都督歐信巡撫都御史葉盛討之。

憲宗成化元年峽酋侯大狗作亂修仁荔浦平樂立山諸徭應之兩廣都御史韓雍以永順保靖及兩江土兵十六萬五路並進先破修仁窮追至立山生擒一千二百餘人斬首七十三百餘級因遂平峽。

是年上思州土官黃瑛侵南寧境殺掠無算督府委官擒瑛下獄誅之。

二年大藤賊鄭昂攻陷容藤二縣殺藤縣孝子余全總督韓雍四面集兵追捕之昂伏誅。

十二年徭賊蜂起修仁荔浦尤劇荔與廢立山縣故唇齒兩廣都御史朱英發桂林官軍順流而下會總府諸軍往討之英曰徭獠亦人也貪生惡死未必不同今璽書屢下皆以撫綏為言終歲窮兵非朝廷意也乃下令招撫之立山徭老李公著遣子

扶寶投款。乞復縣治為編氓。時參議謝綬在行間議。城立山。英具疏聞。遂以其地為永安州。明年州治成。進軍荔浦。平之。舉桂林推官閉魯為知州。給州民室廬。勸學宮祭器。復葺修仁城。甃以石。乃城恭城。

是年。天河縣首賊韋諫誠作亂。都御史吳琛命將討平之。

十六年。鬱林州木頭等崗蠻賊叛。都御史朱英。總兵官平江伯陳銳。副使陶魯等統漢達官軍土兵討平之。

十八年四月。馬平縣主簿孔性善言。溪洞犷獷。恃險竊發。殺掠吏民。及官軍討捕。率不能獲。凶頑自恣。為患益深。然此雖盜賊。豈無良心。昔者陳景文為知縣。犷獷皆應差役。厥後長吏撫字乖方。始復反側。誠使守令得人。示以恩信。諭以禍福。彼雖凶頑。豈不革心。何化為良民乎。上納其言。命吏部凡溪洞郡縣。擇賢守令以撫輯之。

二十年。犷賊黃公定寇掠陸川。副使陶魯討平之。

二十二年。首賊岑召管等為亂。二月攻青山。三月攻陶村。總督檄僉事李珊等率官軍剿之。不克。弘治五年。督府差官招撫奏准。立永順永定二長官司管治。罷戍守八仙堡土兵。

孝宗弘治二年。思城知州岑欽。以兵破田州。官軍追之。遁入泗城。

三年秋八月。廣西土官作亂。都御史秦紘奏聞。勅土官鎮安府知府岑鈺。東蘭州知州韋祖綏諭之。

四年。泗城州土官岑應作亂。總督都御史秦紘等。建議征之。

五年。永安獠賊成萬等。攻圍州治。合修荔。獠賊流劫府江。江道為阻。都御史閔珪與伏羌伯毛銳。親帥師至昭平。討之。破村寨百八十所。斬首六千級。奪回被擄男婦四千四百口。捷聞。以珪為南京刑部尚書。

是年。古田獠賊覃萬賢等亂。襲殺副總兵馬俊。參議馬鉉于尤豪三厄。先是萬賢等謀亂。占據縣治。縣官不能入。鎮守廣西太監王廉。請兵討之。於是三省議調漢達官軍士兵四萬七千員名。分道四哨進攻。俊等一哨。至尤豪三厄。伏發。為賊所殺。兵遂退。而古田從此失矣。

六年秋九月。田州府土官岑溥長子猷。弒溥於江中。州目黃驥等攻猷。殺之。

是年。思明府土官黃道與忠州土官黃鏞。構兵讐殺。縱其目兵。侵掠南寧境土。督府下當道按問之。

七年修仁荔浦蠻賊叛都御史閔珪討平之

是年南京戶部員外郎周琦奏請大征古田等縣徭賊

十年十二月兩廣總制鄧廷瓚調兵征鬱林州雲壩大桂諸種徭獍俱平之

十三年土族黃理糾遷隆崗土舍黃愷作亂殺其姪漢滅之占據西鄉那馬等三十

四村太平府知府謝湖計捕理下獄赤其族

夏四月慶遠府述昆鄉賊攻城廂知府姜瑄率兵擊敗之先是首賊韋七璇等越過

賓州上林等縣劫掠殺指揮王英當道檄府衛計擒七璇誅之璇妻與賊族糾賊數

萬以是年四月一日猝至城西南關外圍繞數匝矢石如雨幾為所陷知府姜瑄設

策備禦躬督指揮王濬彭鐸吳啟宗推官羅環等軍款擊敗之

十四年夏四月思明府土官黃道子澄復糾黃愷子添貴兵攻州督府檄千戶朱榮

捕澄斬之添貴竄於蠻峒

是年天河縣首賊韋萬妙等作亂知府姜瑄督兵剿之萬妙稔父諫誠之惡流毒一

方瑄調那地州土兵躬督抵巢擒萬妙誅之餘黨悉定

十五年冬十一月左州土人黃金作亂伏誅

十七年思明土官自黃瑛歷子震孫紹至文昌作亂凡四世總督潘蕃調副總兵歐
磐率兵剿平之。

十八年總督潘蕃等討思恩府土官岑濬滅之。

武宗正德二年九月柳慶撞賊常朝宣等肆出剽掠都御史陳公金命官軍討平之。
是年府江兩岸大小桐江洛口仙迴朦朧三崗等巢聯絡結據諸徭皆挾短兵長弩
出府江劫船殺人為患左都御史陳金會同武定侯郭勛調兩廣漢達官軍及土兵
六萬餘分道並進俘斬七千五百餘其地悉平。

六年思明土舍黃暘冒以黃鏐保襲民訐其詐陰啖鏐糾遷隆黃添貴兵作亂占據
剝甘等十三村。

七年夏四月逆理男黃鏐寇殺州郭燬之八年復來圍州九年春督府林檄思明府
同知姚澄執鏐繫潯州獄。

是年六月青賊李通寶寇掠鬱林北流陸川岑溪州縣知府曹琚偕參將李鐘調容
縣千戶所覃德玉捕之殺通寶於洞心山。

八年尚賊何海何受與四崗等處夸人作亂思隆民余鑑奉委率兵平之督府奏設

巡檢司欽賜銅印與鑑世襲馱演寨土巡檢

十一年三月。先是府江東西兩岸。大小桐江洛口仙右回茂田冲斷藤峽。勝隴三黃等處。村巢接壤。路道崎嶇。唇齒相聯。聚眾糾合。劫掠殺人。久為府江之患。總督陳金督調兩廣漢達官軍土兵。分為六大哨。行兩廣按察使宗璽。布政吳廷舉。副使傅習。張佑。參議張九遠。參政蔣曙。副總兵房閏。鎮守太監傅倫。參將牛桓。張祐。陳義。都指揮魯宗賈。王英。鄭綬。戴儀。統領水陸並進。俘斬七千五百六十九名。顯餘黨悉平。是年。左都御史陳金通斷藤峽。改名永通峽。

十三年秋八月。田州府土官岑猛。以兵襲龍州。

十四年。古田徭亂。提督都御史蕭翀。總鎮太監王堂。總兵官撫寧侯朱麒討之。竟從招撫而罷。

是年。封川徭盤古義。糾合賀縣上下崗諸徭。大肆流劫。戕殺官軍。焚燒廬舍。蹂躪剽掠。民無寧居。右都御史蕭翀。調集漢達官軍土兵萬餘人。分道進討。俘斬百六十餘。十五年。左州土人韋廣隆作亂。伏誅。

是年秋九月。黃鏐。黨偽為官文書。釋鏐。鏐越獄逃歸。據西鄉以叛。南鄉土民從之。寇

掠州境。次年春。大軍至。罪人未得。

十六年冬十月。田州府土官岑猛糾諸土官岑璋羅武傑沈貴等。攻泗城州。

世宗嘉靖元年春。東蘭州土目韋正西作亂。知府王顯高以兵擒而誅之。

田州府總管黃志威招撫奉義等州一百十七處。人民皆來款附。

荔浦縣賊潘公銀等流劫桂林陽朔等處。殺桂林主簿曹時。古田典史陳祚。巡撫官以聞。兵部言都指揮同知吳啟宗。左布政王啟。按察司張祐等。失於提調。宜逮問。上特命宥之。

廣西蠻賊梁公當等數千人。寇掠臨桂等州縣。鎮守太監傅倫以聞。時巡撫張嶺久未抵任。總兵朱麒。副總兵張祐皆因循觀望。左右兩江兵驕。驚不受調。上命降勅切責麒等。

八月。廣西夸目黃鏐等作亂。先是上思州舊為土官治所。中更設流官。土人嘗為亂。鏐等聚眾攻州。欲奪其印。都御史林廷選捕鏐下潯州府獄。已而越獄。復率眾攻州。官軍禦之。乃詐降。副將張祐不為備。鏐復攻破州城。守臣走。巡撫張嶺等以狀聞。并陳督兵會剿之策。兵部議報可。仍命巡按御史查先年致鏐縱脫者。逮治。嶺遣官軍

討之。鏐遂走。匿生漆山。官軍搜獲。檻送三府。妻子盡擒。并斬賊黨。無算。鏐死於獄。仍棄市。州境遂平。

二年。廣西融縣盜周克亮等。嘯聚萬餘。僭署名號。流劫鄉落。總督都御史張嶺以聞。部覆勅嶺徵兵剿平。久之乃平。

四年。賀縣樊家屯等。巢賊黃公墾等。越蒼梧封川。德慶高要等州縣。流劫時。右都御史姚鏐。方討田州師還。發五千人。由間道出賊不意。擊之。俘斬七百八十名。顯思恩府叛目劉召構亂。提督都御史盛應期遣官軍討平之。

五年。夏四月。提督都御史姚鏐等。率兵討田州。破工堯岑。猛竄歸順。死。其子邦彥亦死。七年。春二月。提督尚書王守仁。將湖廣江西廣東廣西兵。撫平思田。目兵盧蘇王受等。改田州府為田寧。

夏五月。總督兩廣新建伯王守仁。討斷藤峽八寨賊。悉平之。

八年。府江樊家屯等賊。相繼起。勢大猖獗。兩廣都御史林富。令副總兵李琮鵬剿。俘獲千餘。級地方就寧。

九年。春二月。林富等遣將。分割石硯斷藤峽七都板塘古雍古風。俘馘有差。諸巢悉平。

南寧黃本黃達黃術偕頭目陸寶作亂知州王熊兆率兵掩本擒之十年遠術寶後先就擒。

嘉靖十一年兩廣盜賊蜂起在辛卯歲計九十七羣趙林花據陽春西山攻陷高州府及茂名縣掠帶跳巡撫林富落俸黎文貴劫鬱林州許折桂劫海瀾皆未擒總兵仇鸞以盜息聞科官張潤身劾其欺罔並請將曠職宜黜本兵僅議奪俸支大綸永陵編年史

十二年古田興寧蠻亂提督兩廣僉都御史陶諧總兵咸寧侯仇鸞討平之

十三年八月鎮安岑金寶詐為岑濬遺子糾頭目盧平倡亂入寇思恩府督九司兵勦之參將沈希儀誘金寶至柳州殺之眾皆潰散

十八年大師征斷藤峽諸蠻悉平之

十二月土目盧回劉現等構亂都御史蔡經督副參兵備官招安之

十九年二月思恩叛目盧回等逐出九司來犯武緣縣境總兵張經擊之我師敗白骨暴野。

二十一年五月提督兩廣蔡經等討思恩九司之亂平之先是思恩軍民府既改流官分設九巡檢司用土目分理之興隆司土巡檢潘良春貪淫殘虐為眾所怨恨土

民劉憲盧迴等因誘眾作亂聲稱欲盡除九司官復流為土勢頗猖獗經會總兵安遠侯柳珣議遣副總兵張經參政翁萬達等督田州各土官剿之副使陳茂義撫輯其眾三千餘人至是且三年九司悉平巡按御史何瓚勛上功次詔經珣賜勅獎勵仍各賞銀幣有差

是年容縣塘仲山強作亂劫掠六王等村千戶覃德玉等捕斬之

二十三年八月初七日寇潛入城盜宣化縣庫殺守堂夫款三人事聞撫按責官軍賠補罰罪有差

二十四年賀縣弓山螺石黃崗等巢賊首倪仲亮鄧良朝梁榮聚眾數千與連山縣巢賊合謀僭稱名號大肆焚掠兩廣都御史張岳與平江伯陳圭調集漢達官軍土兵八萬分道夾攻斬首三十餘級連賀二縣俱平

七月廣西巡撫張岳奏撞賊竊發廣東則有封川縣蘇松樂等廣西則有馬平來賓二縣覃朝鮮等各肆擄掠敵殺官軍封川猶急請亟進兵殲滅之上曰撞賊肆逆如議剿絕毋得濫及無辜參將守巡等官平日防範不嚴俱令戴罪殺賊通候事寧之日具奏定奪

二十五年六月。巡按廣西御史馮彬言廣西之患莫甚猺獞。與其召募以防賊。不若召募以剿賊。據其巢。耕其土。凡賊之美田肥土。我兵無不願得之者。因其願而令之。蔑不勝矣。部議廣西一省。狼人居其半。其三猺人。其二居民。以區區二分之二民。介蠻夸之中。事難猝舉。且免差應調。土狼積習。今日應募以平之者。安知他日不各據其地。轉而為賊手。宜下撫按議。從之。

八月。岑瑄搆亂。思恩府督九司目兵擒殺之。

三十年。南丹州目民莫葦。以罪伏誅。

是年。永定長官韋啟邦劫庫。越七年。知府秦檉計除之。

三十一年六月。抄宣化太平六圖民馬喜蘭者。偽稱黃鏐。男天錫。糾西鄉林舉等。據寨佛子。攻州城陷。經歷黃相。負印奔通州。密議老人銀銓。黃憲。赴遷隆崗。請兵援之。黃綏佯許。逗遛不進。後聞本府渠樂木旻。李子昌。同本州陵俊等。合兵攻擊。賊已敗。城已復。綏始引兵百餘過佛子。遇鄉兵。殺獲首級。奪為己功。申報軍門。冒賞。見西鄉民逃竄。乘機占上中那勾等八村。州人憤之。每年爭競不止。

是年。督府應攢。遣參將王寵。朱昇。征七山賊。擒斬二百餘人。籍其田廬。

十月提督兵部侍郎應檟總兵官鎮遠侯顧寰討陽朔莊頭鬼子諸巢克之

是年古田蠻賊梯牆劫靈川不果。明年十一月二十九日由南門越城劫靈川庫。縱火焚庫房并劫醫學印以去。

三十二年八月廣西桂林平樂徭獍據險肆亂殺知縣張士毅傷百戶曹恩焚劫歲無虛月。總督應檟檄總兵官顧寰督兵進剿。凡擒斬四百八十四俘獲男女三百四十。牛馬器械甚眾。守臣以捷聞。並上僉事茅坤參將王寵朱昇都指揮鍾坤秀參政張謙百戶吳通等功狀。上嘉諸臣勞績命檟廕一子。餘陞賞有差。

是年七山徭酋盤宗昌叛分守鄭綱討平之。

三十三年八月初七夜八寨強賊越南寧城梯入府劫庫殺死巡風吏一名守堂民款三人及旦官軍追逐過高峯至武緣葛墟散入八寨事聞撫按責官軍賠補仍奏聞降調官軍罰罪有差。

十月總督兵部侍郎鮑公象賢遣將討慶遠忻城包嶺板荒龍樓東歐等村巢賊平之。

三十四年十二月三十夜八寨賊復寇入南寧城斬關欲劫府庫時巡捕指揮李光

勇敢單騎督率軍兵衝突射傷賊衆潰散走遁八寨府庫軍兵賴以無虞

三十九年八寨賊吳宗顯等龍容縣掠帑金去署縣者蒼梧縣丞曾鳳儀率副千戶

杜交雲追至水源洞心山擒宗顯等奪金歸

鳳儀以功擢令古田

四十年八月二十夜八寨賊復越城劫宣化縣庫殺死守城軍款二十一人次早官軍追捕至關山高峯英墟諸路入八寨事聞撫按責官軍賠補罰罪有差

四十三年十二月廣西古田鳳凰山賊韋銀豹等自永福突桂林乘夜縋城而入進劫布政司庫殺署印參政黎民衷劫庫銀四萬餘兩及金珠各若干仍縋原道去提督侍郎吳桂芳奏總兵王寵等失事狀詔降有差

四十四年春正月靈川獞伏南郊三里執署縣事布政司照磨曾傳繫之并持印去勒贖銀三十兩及還所俘子女五人乃獲歸

秋八月夜古田賊復入城劫布政司并靖江府攻門未入而奔官兵追捕大敗之

四十五年九月古田獞賊韋銀豹等來降時銀豹久據古田與諸獞分其地為上下里居之銀豹兩犯省城獨下六里人從之提督軍務吳桂芳因其間遣典史廖元入上四里諭降諸獞諸獞復業者千九百餘人於是銀豹勢孤亦請降桂芳即以古

田平聞。因言古田自弘正來。縣令未嘗入城。今典史廖元恢復已有次第。宜量陞主簿。俟其功成。即擢為令。詔從之。

穆宗隆慶三年。荔浦中崗賊韋公海等。糾同上下二崗賊五千餘。四出攻劫。破兵堡四。民寨十七。屢攻縣城。聲勢甚劇。永安州榕崗古東等巢賊首李都堂等。千五百餘徒。阻截道路。州治不通。都御史劉燾檄兵備副使應存阜。統向武奉議二州目兵。以知縣劉誥指揮白玉督戰於東村。斬韋公海等。連破二十五村。盡燬之。賊懼乃求招撫。

四年。永安州榕崗賊陸公騰古巢賊潘勝喜等作亂。都御史殷正茂檄兵備副使應存阜督兵鷓巢。斬首四十七級。俘獲百餘人。頃之高天賊黃功東。六章賊胡公選等。聚眾萬餘。攻圍永安。復檄總兵俞大猷平樂府同知蔡萬推官梁直領兵二萬征之。斬首千餘級。

五年九月。磔古田獐賊韋銀豹。并斬其孫扶獐於市。仍傳首夸方。銀豹古田獐民其父朝威。自弘治間。與其伯朝猛占據縣治。拒殺副總兵馬俊。參議馬鎔。正德間。銀豹常隨朝威。攻陷洛容縣。朝威誅死。銀豹乃挾其五子。四出擄掠。屢敗官軍。與朝猛據

鳳凰湖水二巢險固不可拔。總督殷正茂與巡撫李邊謀調思明等處土兵及漢兵共十萬令總兵俞大猷統之直抵諸巢合營進剿。凡斬首七千四百六十餘級。俘獲男婦千三十餘人。捷聞上嘉三臣功。陞賞有差。是時銀豹實未死。祇以窮蹙。陰令其黨覓肖之者。斬首以獻。主簿廖元把總王綱相與證之。遂以捷聞。其後稍傳不死狀。正茂令僉事金柱踪跡之。銀豹兄銀站乃生縛銀豹以降。正茂械赴闕下。且具疏引罪。上以付吏論銀豹謀反律。家屬黨類下撫臣論治。命御史治元等罪。遷等勿問。是年廣西府江右江諸徭復亂。巡撫郭應聘請給兵餉剿除之。給事中梁問孟以賊黨甚眾不可盡滅。宜令守臣熟計。兵部覆言。府江自正德十二年都御史陳經征討之後。且六十年。而右江北三北五等巢素未懲創。生齒日煩。遂肆猖獗。頃者大征古田各巢。咸畏威斂戢。獨府江右江恃險為亂。若復縱之。非惟無以固八寨懷遠之招。亦恐以啟古田攜貳之漸。剿之便。但兵在萬全。宜即以科臣所慮。備行提督殷正茂及廣西撫按郭應聘等相機行事。毋貽後患。其調兵給餉諸務悉聽便宜。上是之。六年。府江徭復作亂。以三崗仙迴高天水澆諸巢為聲勢。互相依倚。煽禍流毒兩廣。都御史郭應聘徵漢土官兵六萬討之。擒斬五千一百有奇。俘獲稱是。又上善後之

策改土司置參將通水陸處兵費設縣治分田糧六事詔從之

神宗萬歷元年陽朔碎江賊廖金溫等起南源殘孽復陰助之據峯門山灣等處總督郭應聘復檄參將王承恩等分道並進斬首二十餘級遂復峯門以齊凱屯守又檄參將王瑞進兵復山灣以莫棟屯守又撲榕崗巢以覃滿屯守永安修荔之民卧始帖席是歲府江獨復據林箐為行旅虞應聘復以參將王世科錢鳳翔都司董龍王承恩統兵四道並進復以副使金柱鄭茂僉事夏道南監督又以總兵李錫為大帥參政胡直理餉副使劉廷舉紀功首破三崗古西巖口東岸黃崗西岸太平古冒等巢次克平滿青龍南源等巢無大小險壑相繼俱下凡俘斬五千四十餘府江悉平。

三年府江巨寇黎福莊聚黨四出時新城昭平上下四屯與大羅諸山相接五指白冒尤稱險絕福莊父子弄兵肆警流毒遠邇時都御史吳文華方議羅旁之役調向武諸州土兵出蒼梧乃陽留向武兵為防禦計因以鵬剿方畧密授兵備副使徐作命參將吳京攻上四屯都司韓文啟攻下四屯分布所部主客兵出其不意間道并進福莊勢窘甚謀擒之組致戲下賊勢促入據五指白冒諸巖抗我師京督戰益急

人殊死戰。連克白壁板燕白馬六勒福村茅花大梁鐵釘水穿黃竹大洞。斬首千餘級。俘獲賊屬牛馬器械不可勝計。又乘勝直擣白冒巢。斬首八千級。餘黨悉降。乃下令寬恤。修屯守之政。籍賊田歸之民。鑿石疏江。刊木通道。一罷悉平。

四年。蒼梧民林思配亂。尋平之。老君崗諸徭亂。尋撫之。

五年。河池州惟建里賊首韋宋武糾橫嶺賊。劫殺地方。巡撫軍門吳公文華剿平之。六年三月。六十三山撞賊潘積善乞降。許之。

是年七月。岑溪左營兵陳進呂子和等作亂。尋討平之。

七年。橫嶺賊藍龍返復亂。巡撫軍門張公任督指揮戚秉忠計除之。

是年。十寨復亂。總督軍門劉公堯誨巡撫軍門張公任發兵剿之。經理其地。興業木頭崗寇亂。尋討平之。

八年。大師征十寨蠻。克之。

九年。三都與東歐賊。擄官殺役。總督軍門劉公堯誨巡撫軍門郭公應聘發兵剿之。經理其地。

十二年。府江西岸徭賊復糾聚劫舟。百戶劉卿遇害。巡撫吳善巡按黃鍾謀於督府。

吳文華調漢土兵二萬六十。以都督呼良朋統之。命參政葉朝陽監督。十二月庚午。參將白玉由荔浦入。遊擊童元鎮由南隘入。都指揮孫世寶由永安入。守備陳邦佐由水哨入。四面夾擊。破賊四十餘巢。斬首一千二十四級。生擒賊首周懼婆等一百八名。俘獲男婦以千計。籍復田土以萬計。二月癸亥。府江平。命副使韓紹伐山開道。立亭障。仍改設參將鎮守之。

十一月。懷集尚蠻嚴秀珠鄭明端等。糾眾流劫。討平之。

十五年。梧州大崗營兵梁一貴等倡亂。尋伏誅。

二十四年。岑溪七山猺寇亂。兵備戴公耀討平之。

二十九年六月。五屯所軍民激變。梧州知府凌嗣音撫之。

是年八月。蒼藤博白四縣人民大哨梧城。知府凌嗣音安輯之。

清 汪森編

南越趙氏

南越武王趙佗。真定人。秦始皇初并天下。畧定楊越。置桂林南海象郡。以謫戍民。與越雜處。十三年。以佗為南海龍川令。即今博羅縣之東鄉至二世時。南海尉任囂病且死。召佗行南海尉事。囂死。佗即移檄告橫浦陽山湟谿關曰。盜兵且至。急絕道聚兵自守。秦已破滅。即擊并桂林象郡。自立為南越武王。饒仲學海下同

趙光

蒼梧王趙光者。越王同姓。聞漢兵至。及越。揭令自定。屬漢。越桂林監居翁諭歐駱屬漢。皆得為侯。

區憐

區憐。象林蠻也。漢永和丁丑四月。憐等攻縣寺。殺長吏。交州刺史樊演發交趾九真兵萬餘人救之。兵士憚遠役。反攻其府。府雖擊破反者。而蠻勢轉盛。侍御史賈昌與州郡討之。歲餘不克。戊寅閏四月。帝召百官問以方略。皆議遣大將發荆揚兗豫四

萬人赴之。李固駁議，以為勞師遠討，非計也。但宜選將帥，以為刺史、太守、祝良、張喬，皆可任用。四府悉從固議，即拜良為九真太守，喬為交趾刺史。喬至，開示慰誘，並皆降散。良到九真，單車入賊中，設方畧，招以威信，降者數萬人，皆為良築起府寺，嶺外復平。

李遜

東晉李遜為九真太守。太元庚辰十月，遜據交州反。辛巳七月，交趾太守杜瑗斬遜。交州平。

李凱

李凱，交州人。為梁交州刺史。天監己酉春二月，凱據州反。長史李叟討平之。

李賁

李賁，交趾人。世為豪右，仕不得志。有并韶者，富於詞藻，詣選求官。吏部尚書蔡樽以并姓無前賢，除廣陽門郎。韶恥之，賁與韶還鄉里。大同辛酉十二月，交州刺史武林侯諮以刻暴失眾心。時賁監德州，因連結數州豪傑俱反。梁遣諮與高州刺史孫回、新州刺史盧子雄將兵討之。甲子正月，賁自稱越帝，置百官。改元大德。乙丑六月，梁

遣交州刺史楊暉討賁。暉以陳霸先為前鋒。至交州。賁帥眾拒之。敗奔嘉寧城。諸軍圍之中。大同丙寅八月。賁復帥眾自獠中出屯典澈湖。眾軍憚之。頓湖口不敢進。陳霸先曰。我師老而無援。入人心腹。若戰不捷。豈望生全。今藉其屢奔。人情未固。正當決力取之。諸軍皆莫應。是夜江水暴起。七丈注湖中。霸先勒兵乘流先進。眾軍鼓譟俱前。賁眾大潰。復竄獠中。戊辰三月。屈獠洞斬賁。賁兄天寶收餘兵圍愛州。陳霸先帥眾討平之。

李光仕

李光仕。桂州俚帥也。開皇丁巳二月。光仕作亂。帝遣王世積周法尚討之。光仕戰敗。帥勁兵走保白石洞。法尚獲其黨。降者輒以妻子還之。居旬日。降者數千人。光仕眾潰而走。追斬之。帝又遣何稠討光仕。稠諭降其黨莫崇等。承制署首領為州縣官。

李世賢

李世賢。桂州人。開皇十七年秋七月。桂州作亂。帝遣將軍虞慶則討平之。

李佛子

李佛子。交州俚帥也。仁壽二年冬十二月。佛子作亂。據越王故城。遣其兄子大權據

龍編城。其別帥李普鼎據烏延城。楊素薦劉方為總管。討之。至都隆嶺。遇賊擊破之。進軍臨佛子營。先諭以禍福。佛子懼。遂請降。送之長安。

蕭銑

唐武德元年。蕭銑即皇帝位。使魯王張繡徇嶺南。隋將張鎮周王仁壽等拒之。既而聞煬帝遇弒。皆降於銑。欽州刺史竄長真亦以鬱林始安之地附於銑。漢陽太守馮盎以蒼梧高涼珠崖番禺之地附於林士弘。銑士弘各遣人招交趾太守丘和。和不從。銑遣竄長真帥嶺南之兵自海道攻和。和欲出迎之。司法書佐高士廉說和曰。長真兵數雖多。懸軍遠至。不能持久。城中勝兵足以當之。奈何望風受制於人。和從之。以士廉為軍司馬。將水陸諸軍。逆擊破之。長真僅以身免。盡俘其衆。既而有驍果自江都至。得煬帝凶問。亦以郡附於銑。資治通鑑

李思慎

李思慎。嶺南俚戶也。俚戶舊輸半課。交趾都護劉延祐使之全輸。俚戶不從。延祐誅其魁首。乙酉正月。武后改元垂拱。三年丁亥七月。思慎等作亂。攻破安南府城。殺延祐。桂州司馬曹玄靜將兵討思慎等。斬之。學海下同

歐陽倩

歐陽倩。始安獠也。長安癸卯十一月。擁眾數萬。攻陷州縣。制以裴懷古為桂州都督。仍充招討使。懷古纔及嶺上。飛書示以禍福。倩等迎降。且言為吏所侵逼。故舉兵自救耳。懷古輕騎赴之。賊眾大喜。悉歸所掠貨財。嶺外悉定。

梅叔馬

梅叔馬。安南賊帥也。開元十年八月。叔馬等圍州縣。遣內侍楊思勗討之。思勗募羣蠻子弟。得兵十餘萬。襲擊。大破之。斬叔馬。積尸為京觀而還。

梁大海

梁大海。邕州封陵獠也。開元丙寅正月。大海等據賓橫州反。二月己酉。遣內侍楊思勗發兵討之。十二月。思勗生擒大海等三千餘人。斬首二萬級而還。

梁崇牽

梁崇牽。嶺南蠻酋也。大歷辛亥二月。崇牽自稱平南十道大都統。據容州。與西原蠻張侯夏永等連兵攻陷城邑。前容管經畧使元結等皆寄治蒼梧。經畧使王翊至藤州。以私財募兵不數月。斬賊帥歐陽珪。馳詣廣州。見節度使李勉。請兵以復容州。勉

以為難。胡曰：大夫如未暇出兵，但乞移牒諸州，揚言出千兵來援，冀藉聲勢，亦可成功。勉從之。胡乃與義州刺史陳仁權、藤州刺史李曉庭等結盟討賊。胡募得三千餘人，破賊數萬，攻容州，拔之，擒梁崇牽，盡復容州故地，分命諸將襲西原蠻。復鬱林等諸州。先是番禺賊帥馮崇道、桂州叛將朱濟時皆據險為亂，陷十餘州。官軍討之，連年不克。李勉遣其將李觀與胡并力攻討，悉斬之。三月，五嶺皆平。

覃問

覃問，西原賊帥也。大曆癸丑九月，循州刺史哥舒晃據嶺南反，詔嶺南節度使路嗣恭討晃。容管經畧使王胡遣將將兵助之，間乘虛襲容州，胡伏兵擊擒之。

黃少卿

黃少卿，欽州蠻酋也。貞元甲戌五月，少卿反，圍州城。邕管經畧使公孫器請發嶺南兵救之，上不許。遣中使諭解之。八月，少卿陷欽、橫、潯、貴等州。攻公孫器於邕州。憲宗元和戊子五月，少卿請降，以為歸順州刺史。少卿雖降，而數反覆。己亥十月，桂管觀察使裴行立、容管經畧使陽旻欲徼幸立功，爭請討之。上從之。嶺南節度使孔戣屢諫曰：此禽獸耳，但可自計利害，不足與論是非。上不聽。大發江湖兵，會容、桂二管入

討士卒被瘴癘死者不可勝計。行立旻竟無功。庚子正月。穆宗即位。十二月。國子祭酒韓愈上言。黃家賊居無城郭。依山傍險。尋常亦各營生。急則屯聚相保。比緣邕管經畧使多不得人。德既不能緩懷。威又不能臨制。侵欺鹵縛。以致怨恨。遂攻剗州縣。侵暴平人。或聚或散。終亦不能為事。近者裴行立陽旻。意在邀功。獻計征討。邕容兩管經此凋弊。殺傷疾疫。十室九空。如此不已。臣恐嶺南未得寧息。兼此賊徒亦甚傷損。察其情理。厭苦必深。若因改元大慶。赦其罪戾。遣使宣諭。必望風降伏。仍為選擇有威信者為經畧使。處置得宜。自無侵叛。上不能用。

劉士政

劉士政初為安州指揮使。乾寧乙卯冬。安州防禦使家晟與朱全忠親吏將玄暉有隙。恐及禍。乃與士政及兵馬監押陳可璠將兵三千襲桂州。殺經畧使周元靜而代之。晟醉侮可璠。可璠手刃之。推士政知軍府事。可璠自為副使。詔即以士政為經畧使。庚申。賜桂管軍號曰靜江。陞士政為節度使。是年十月。士政聞湖南馬殷悉平嶺北。大懼。遣陳可璠屯全義嶺。在桂州東北一百五十里以備之。殷遣使修好於士政。可璠拒之。殷遣其將秦彥暉、李瓊等將兵七千擊士政。湖南軍至全義。士政又遣指揮使王建武

屯秦城。

在桂林城北八十里。相傳為秦戍五嶺地。

可璠掠縣民耕牛，以犒軍。縣民怨之，請為湖南鄉導曰：

此西南有小徑，距秦城纔五十里，僅通單騎。彥暉遣李瓊將騎六十，步兵三百，襲秦城中宵踰垣而入，擒王建武。比明復還，紿之以練，造可璠壁下，示之。可璠猶未之信，斬其首投壁中。桂人震恐，瓊因勒兵擊之，擒可璠，降其將士二千，皆殺之。自秦城以南，二十餘壁，皆望風奔潰，遂圍桂州。數日，士政出降。桂宜巖象柳五州皆降於湖南。士政據桂州，凡五年。

王季元

王季元，安南牙將也。貞元癸未二月己亥，季元逐其觀察使裴泰，奔朱鷺。明日左兵馬使趙旬斬季元及其黨，迎泰而復之。

楊清，安南賊也。安南都護李象古以貪縱苛刻，失衆心。清世為蠻酋，象古召為牙將。清鬱鬱不得志。貞元十四年己亥，象古命清將兵三千討黃洞蠻。清因人心怨怒，引兵夜還襲府城，陷之，殺象古及妻子官屬，部曲千餘人。詔以桂仲武為安南都護，赦楊清以為瓊州刺史。庚子正月，桂仲武至安南，清拒境不納。清用刑慘虐，其黨離心。仲武遣人說其酋豪，數月間降者相繼，得兵七千餘人。朝廷以仲武為逗遛，貶安州。

刺史以桂管觀察使裴行立為安南都護。三月辛未。安南將士開城納仲武。執清斬之。裴行立至海門而卒。復以桂仲武為安南都護。

龐勛

龐勛徐州人。初為桂州糧料判官。初南詔陷安南。敕徐泗募兵二千赴援。分八百人別戍桂州。初約三年一代。徐泗觀察使崔彥曾性險刻。朝廷以徐兵驕命鎮之。都押牙尹戡教練使杜璋兵馬使徐行儉用事。軍中怒之。戍桂州者已六年。屢求代還。戡言於彥曾。以軍幣空虛。發兵所費頗多。請更留戍卒。一年。彥曾從之。戍卒聞之。怒都虞侯許佶。軍校趙可立。姚周。張行實。皆故徐州羣盜。州縣不能討。招出之。補牙職。會桂管觀察使李叢移湖南。新使未至。咸通戊子秋七月。許佶等作亂。殺都將王仲甫。推糧料判官龐勛為主。劫庫兵北還。所過剽掠。州縣莫能禦。

陳彥謙

陳彥謙桂陽賊也。廣明庚子。謙陷柳州。殺刺史董岳。

南漢劉氏

劉謙為廣州牙將。唐乾符五年。黃巢破廣州。去掠湖湘間。廣州表謙封州刺史。賀江

鎮邊使以禦梧桂以西歲餘有兵萬人戰艦百餘艘謀三子曰隱台嚴謀卒隱居喪於賀江土民百餘人謀亂隱一夕盡誅之。

盧成均

盧成均為宜州判官景德丁未六月知宜州劉承規御下嚴酷軍校陳進因衆怨鼓譟殺承規推成均為首僭號南平王據城反陷柳州進圍象州詔以曹利用為廣南安撫使帥兵討之至象州擊進斬之成均率其族來降進黨陷貴州利用追討悉平之。

歐希範

歐希範宜州蠻也慶曆甲申三月希範作亂討平之。

儂智高

儂智高發三解不得志遂起兵兩廣遂有兩解試攝官之格張元因殿試落第徑往西夏自此殿試無黜落之士。張端義貴耳集

曹成

曹成江漢間羣盜也紹興元年辛亥十二月成初陷漢陽鄂州屯攸縣湖東安撫使

向子諲招之。成聽命。子諲遣兵扼衡陽。欲圖之。而援兵不至。成忿子諲扼己。即擁眾而南。官軍悉潰。成大掠。執子諲而去。詔岳飛等討之。壬子四月。成擁眾十餘萬。由江西歷湖湘。據道賀二州。命岳飛權荆湖東路安撫都總管。知潭州。付金字牌黃旗。招成。成聞飛至。驚曰。岳家軍來矣。即遁。飛追至賀州。力戰大破之。成乃自桂嶺。置砦至北藏嶺。連控隘道。以眾十餘萬守。蓬頭嶺。飛部千人。一鼓登嶺。破其眾。成奔連州。飛謂部將張憲。徐慶。王貴曰。成黨散去。追而殺之。則脇從者可憫。縱之。則復聚為盜。今遣若等。誅其首。而撫其眾。於是憲自賀。連。慶自邵。道。貴自柳。桂。招降者二萬。與飛會連州。進討。成走入邵州。五月。韓世忠既平范汝。為旋師。永嘉若將休息者。忽由處信徑至豫章。連營江濱數十里。羣賊不虞。其至。大驚。世忠因使董收招成。成方為岳飛所追。乃率眾降。得戰士八萬。遣詣行在。

學海

李接

李接。廣西妖賊也。淳熙己亥六月。接破鬱林州。守臣李端卿棄城遁。圍化州。命經畧司討捕之。端卿梅州編管。庚子正月。劉焞討接。平之。

學海下同

黃聖許

黃聖許。廣西上思州土官也。元至正二十九年壬辰閏六月。聖許擁衆二萬。結交趾為援。寇陷忠州江州。及華陽諸縣。詔遣程鵬飛討之。聖許敗。走入交趾。

蔣丙何仁甫

蔣丙何仁甫。道州民。至正辛巳十二月。丙仁甫等相繼舉兵。攻破江華等州縣。溪崗。猺民二百餘寨。亦相率入邊抄掠。山東燕南寇亦縱橫至三百餘處。壬午九月。湖廣行省平章鞏卜班擒道州賀州猺賊首唐大二。蔣仁五。至京師。誅之。丙自號順天王。攻破連桂二州。

荔浦周文昌

明洪武三十一年。荔浦周文昌作亂。劫殺四鄉九里居民死之。按文昌荔浦甘棠寨編民。素陵轢里閭。居民側目。時縣中以事逮繫獄中。既復。當緣脫身。遠適縣益連坐。族戚捕械急。遂聚衆為亂。前後之民響應者以千計。大肆劫殺。十有餘年。村落民相枕藉死者。蓋十之七焉。至永樂中。始興師征剿。文昌勢日蹙。自刎死。死之先二日。投入其姊之家。謂之曰。予今日事勢已窮。必死乃可。然無死於兵之手也。汝可殺牛為予訣。姊如其言。果殺一牛。文昌竟匕肉啗牛之半。飲斗酒。斗飯畢。乃與姊辭曰。予今

出而向兵誓殺數十人殉死乃瞑目耳。果出與兵遇手刃數人乃自刎死。荔浦縣志

思明府黃錄

黃錄。瑯嶼子也。瑯請老以庶子釣襲錄。怨問計於叔丘溫。衛指揮瓌與子震聚兵圍府。執瑯釣及族目家丁盡殺之。事聞命提督侍郎李崇巡按御史張瀾捕錄瓌下潯州獄。錄死。瓌獲免。初黃震與子紹走龍州。成化四年都御史韓雍遣太平知府郭本捕震誅之。十二年黃紹復攻思明州。奪長子文昌。二十年破下石西州。奪次子文盛。弘治六年破上石西州。奪季子文華。九年閏三月密遣陸光等。鳩殺釣之孫府官。男光燮。十一月又遣趙保安等。刺殺光燮父。知府黃道遂據府治。督府遣兵捕之。十一年紹糾忠州土官黃鑣拒敵。尋鳩殺道妻趙。副總兵歐磐率官軍討破之。擒斬無算。紹懼願降。督府遣官戒諭不聽。復叛。十五年官軍捕急。紹仰藥死。文昌仍擅遷思明州治於况村。築城以拒。文華據所得州如故。十八年文昌等忿復連年剽掠。督府遣副總兵康泰參政楊茂元等率兵致討。遣恩城州土官趙忠順計擒文昌。文盛。文榮等詣軍門。咸真諸法。自錄至文昌。叛凡四世。皆誅。通志

田州呂趙

岑紹襲為田州知府。天順三年。紹老。傳嫡子鏞。而州目呂趙挾紹庶子鑑。拒紹而逐鏞於外。時官府暫令鏞寄任省城。令鑑襲其職。趙於是縱兵攻破鎮安。奉議南丹等州。上隆恩城。並受其害。擅為鐵鈎吊掛之刑。興販私鹽。偽稱名號。私通交趾。復夜殺鑑。既而鑑子玠亦故趙。遂以幼孫呂嬰冒玠名而襲其職。副都御史葉盛會兵討執趙。伏誅。令鏞襲父職。鏞死。子溥襲。學海

田州岑獠

初岑溥生子三。長獠。次獅。李猛。溥以猛似已。且母有寵。遂屬意於猛。獠竟失愛。是月督府遣官至田州徵土兵。從征溥。以望日率諸目兵登戰艦。操於江中。是夜遂止宿焉。諸部戰艦凡百艘。圍護獠。密遣其僕梁橋持刃引黨數人。乘小舟偽為巡邏。溥方熟寐。梁橋低聲謂侍婢云。汝諸人欲得丈夫否。諸婢莫知所以。微笑詰橋。橋云。小主人命我行事。汝若喋聲。他日當配以美丈夫。同享富貴。否則殺之。諸婢股慄。莫敢呼。嗽。橋遂登艦。弑溥於帳中。詰旦溥母岑氏執諸婢考訊。始語其故。岑氏令驥等以兵縛獠與橋。並殺之。盡誅其黨。通志

思恩土官岑濬

濬本土官。頗涉書史。知吟咏。但狡黠克狠。左右少有過失。動遭殺戮。積威所劫。部下甚憚之。是以兵力雄于右江。濬益驕蹇無忌。弘治六年。三府奏以遷江千戶所。舊轄八寨賊崗界治之。濬乃築周安堡。以頭目黎端率兵屯守。屢遣兵寇賓州上林遷江武緣諸州縣民村。是年九月。田州府土官岑溥長子猯失愛。令其僕梁橋截溥江中。府目黃驥乃誅猯橋。遂與府目李蠻爭權。搆兵讐殺。十月。黃驥侍溥母岑氏及溥季子猛。赴三府懇尋以猛襲溥官。遣官送還府。黃驥復誘猛奔梧。誣懇李蠻謀叛。以兵拒猛。督府復遣官送猛至賓州。兵備副使汪溥檄濬以兵衛猛。濬遂用黃驥詭謀。以兵逆猛。入思恩。脇與黃驥立券分地。以耐厥勞。發兵偕驥送猛歸府。因欲襲殺李蠻。蠻知之。以兵拒之於工堯驥。以猛復歸思恩。猛祖母岑氏慮猛為濬所圖。懇於總督都御史鄧廷瓚。十一年。遣官取猛。濬不發。踰月。再遣副總兵歐磐布政程廷珙往徵之。濬始送猛出詣三府。令暫寓省城。濬與猛自是構讐矣。是年六月。濬於田州丹良梵城屯兵。椎客舟齎貨。過公使勿令入田州。七月。乃與黃驥等統兵五萬。糾泗城州土官岑應破田州。李蠻走。濬殺擄無算。八月。督府遣官至。兵始散。十一月。副總兵歐磐副使雷士旃等以兵衛猛回府。追勘濬所奪地土印記。及撤所梵丹良石城。濬弗

聽十二年。濬於夸江。造戰艦三百餘艘。其祖父所出報効甲兵三千。俱不奉調。自是屢寇田州。所轄思城。果化。上林等州縣。十五年十月。又率八寨。迷崑。鄉兵二萬餘人。破工堯。陷田州。殺擄無算。岑猛走免。十六年。寇慶遠府。永定。永順。二長官司。奪據其地。復覓都陽等寨。石城十有八所。是年七月。又破工堯。九月。破田州。岑猛以數騎奔歸順州。濬擅廢猛官署。以土族岑洪為知府。停猛祖母暨妻子婦女。凡百二十九人。送思恩府。幽於別室。殺戮府境兵民男婦無算。仍遣兵直抵歸順。追猛。傳檄左江。養利諸州。暴猛罪狀。令勿納。且令相為犄角。時守臣屢疏濬惡。請兵討之。濬乃托岑業。覃兌。當緣行賄。以緩師期。尋發兵四出。據守要害。督府遣官戒諭。濬匿不出。十七年。總督都御史潘蕃等官。暴濬罪惡。疏上。詔下朝堂議處。兵部奏准。調湖兵一萬行。都御史潘蕃等征之。於是以前十八年正月。進兵克諸關隘。濬走舊城。副使姜瑄等率兵圍之。濬自經死。函首詣三府。梟諸市。遷其母孫兄弟於福之懷安。妻妾子女械送京。入功臣家為奴。而以思恩改流焉。通志

覃扶照

荔浦自周文昌之亂。田地多荒。居民鮮少。永樂初。招募獯尼人土墾耕。生齒漸繁。弘

治八年。尚賊覃扶照藍公玉者。自號為飛天過海。聚眾為亂。殺絕永蘇里東信一里居民。蔓延至正德嘉隆之季。永為地方大患者。皆獍戾云。荔浦縣志

周克亮

廣西馬平賊周克亮。嘗伐藤山中當大蛇。咒曰。他日貴者蛇却行。咒畢。蛇卷身退。而其妻照水。有金花插頭上。克亮戒勿泄。然喜自負。嘉靖元年。馬平饑。克亮與從兄盜礦無所得。遂反。借署名號。散剽馬平諸縣界。得數萬人。總督都御史張嶺以聞。遂命嶺剿之。數月平。後鑿錄

田州土官岑猛

自岑濬與猛構讐。濬既誅。猛降福建平海千戶。正德初。猛賂太監劉瑾。矯詔以猛為田州府同知。猛撫遺民。兵威復震。正德壬申。發其兵至江右。撫之東鄉。饒之桃源。皆劇盜也。猛以兵滅東鄉之盜。納桃源之賄。陰使盜逸去。殺平人以報功。猛受賞。還田桃源之賊。復起。殺副使李清。執參政吳廷舉。莫不歸罪於猛。猛既輦華林東鄉桃源。諸盜之金帛。以億萬計。自是富甲兩江。兵勢益銳。猛遂屠龍州。殺土官知州趙相之二子。又攻泗城州。殺知州岑接。屠戮甚慘。又殺歸德知州王通。又強立泗城州官族。

岑說始毒死參將甘霖。又毒死指揮方震。又毒死通判龍進。始結劉瑾。中結宸濠。包藏禍心。自雄一方。上思州土目王料之叛。思恩府土目劉召之叛。猛皆陰主之。而陽出兵征討。軍門省諭。猛若不聞。遇有調遣。偃蹇不聽節制。凡諸土兵之進止。多寡遲速。皆聽命於猛。而不知有軍門之號令者。六七十年矣。巡按御史張鉞。明其罪狀。既而御史汪淵。謝汝儀。相繼奏之。都御史張嶺。盛應期。太監鄭潤。總兵官朱麟。亦奏之。猛於上隆州。武龍州。安德州。舊田州。皆殺其守令。毀其印為銃。而刻牙代之。凡慶賀貢獻之類。則以印章署舊守令名以行。此其罪不可勝數。嘉靖四年。都御史盛應期疏請征之。應期去。都御史姚鏐代之。再疏請征。詔下兵部議。從之。於是會同總鎮太監鄭潤。總兵撫寧侯朱麒。督率副參等官。以五年四月。分哨統兵進剿。首破工堯。斬其惡目陸綬等數人。猛竄於歸順。鳩死。傳首南寧。磔於市。其子邦彥。亦竄死山中。禮雷

岑猛奔歸順州。知州岑璋誅之。璋。猛婦翁也。初。猛聞大軍至。抗兵自固。督府姚公鏐將進兵。患璋以姻故黨之。召沈希儀計事。希儀知璋以女失愛。故憾猛。而千戶趙臣者。雅與璋善。召臣策之。臣曰。鎮安世與歸順為讐。公第遣臣徵兵鎮安。臣間道過璋。佯以好故泄語璋。要領可得也。希儀曰。善。乃遣臣徵鎮安兵。臣過璋所。璋喜。迎臣曰。

久不見故人。今肯念我來邪。臣不言。佯為不懌者。璋叩之不答。頃之。復太息。璋疑之。明日。璋置酒款臣。臣愈不懌。若沈思者。璋疑益甚。問故。曰。軍門有意督過我邪。鄰壤有所訴。且逮勘邪。臣皆不應。因挽臣入卧内。跽叩之。臣泣下。璋亦泣。臣曰。託君肺腑。有急不忍隱。然君不死。則臣死矣。督府討田州。謂君猛掃翁。必黨猛。命臣檄鎮安兵襲君。我不言。則君死。我言之。君為自脫計。臣以洩機死矣。璋頓首曰。君實生我。不言我死。不悟也。猛奴視吾女。吾欲圖之久矣。臣曰。君誠有此意。盍自列於督府。璋乃留臣。遣人馳詣希儀。願擒猛自效。希儀佯追臣返。以其事白督府。璋乃留猛。猛子邦彥守工堯隘。璋遣千人助之。實為間也。璋密報希儀曰。已遣千人内應。衣別有識。幸勿加戮。及戰歸順。兵先呼敗。田兵驚潰。希儀遂斬邦彥。猛窮欲出奔。璋使人招之曰。事急矣。願君走歸順。可達安南。再圖興復。猛倉卒無所之。又以姻故。遂走歸順。璋涕泣迎猛。館別墅。辟田州人無得進者。而報兵退以寬猛。一日謂猛曰。天兵雖退。非陳奏事不得白。為君草封事。令人上之。何如。猛曰。固所願也。乃為疏。令猛出印。印之。璋知印所在。乃持鴆酒一盃獻猛曰。天兵索君急。不能相庇也。猛大怒曰。悔墮此老姦計。遂飲鴆死。璋斬其首。併所佩印。遣使間道馳詣督府上之。撤兵還内臣。

鄭潤總兵朱麒各以猛中毒矢死斬其首。印摻獲聞而璋與趙臣之功皆不著。璋恚恨遂遜職於其子璠而託之辟殺黃冠以老。

西事耳下同

田叔未言粵事。謂書生無遠畧。有司恡小費。急則倉皇漫許。已則避泥食言。威令不行於土司。十九類此。瑣瑣威威興。讒參嫉。覲面不顧。寧恤軍詐。又曰。察察汶汶。罔上遂私。墨者以章賂敗類。賢者以避嫌養名。承勛展轉。摘疵文致。徵兵禦寇。甘言誑誘。罷役論功。變顏食約。長傲誨侮。此其魁尤。迨乎逆節滋萌。僵屍喋血。莫敢草莽。徒以文移案驗。虛相叱咤。安可弭也。子細徵舊事。三復斯言。大都以貪啟釁。以輕聽舉事。以反覆獲僊。失戾心。語曰。衣與繆與不女聊。又曰。何以怒許不與。推揆亂本。固不在戾。撲此熾彼。又何恠焉。

國家以土官治南蠻。固周人疆以戎索之意。自韓襄毅之後。而軍門號令。漸已不張。岑猛倚強跋扈。罪誠有之。誅其君而弔其民。誰曰不可。乃以私望當猛大逆。何以服其心也。盧蘇倡亂。抗敗王師。雖八議不宥。新建受鉞。專征顧以姑息訖事。且猛實仗誅。而疏言病死。蘇大愆漏網。而盛稱其功。此何解也。迨乎盧蘇再叛。犯諸夸之怒。陶諧不能討。而蔽奸罔上。以失眾心。彼其人寧復顧國家大體哉。

炎微紀聞

盧蘇

嘉靖十三年九月。田州土酋弒其主岑邦相。邦相為田州判官。年纔十五六。副總兵張祐以兒子畜之。盧蘇專制生殺。威行部中。邦相擁虛位而已。遂與盧蘇有隙。祐任滿將求代。意邦相。餞必腆比行。邦相治具供帳。僅值二百金。祐大怒。下撻邦相。遂與蘇比。搜得岑邦彥之子曰芝甫。髻鬣。祐育之別室。邦相時時欲購殺之。會祐不果。代留鎮得免。已督府以西山之役。檄祐從征。祐遂置芝衣篋以行。邦相覺。追捕不及。祐以芝奔梧州。都御史陶諧亦兒子畜之。時時召飲食。蘇遣其黨黃對刺邦相。弗克。邦相遂與土目羅玉戴慶謀伐蘇。蘇覺之。稱疾不出。會其妻生日。諸土目率妻子來賀。遂入問疾。蘇伏甲寢中。謂諸土目曰。賴公等之靈。疾苦何足恤。惟旦夕首領不保。諸土目曰。何故出此言。一州之人。誰不同心。蘇因指玉慶謂諸土目曰。公等雖同心。如二豎何。言訖而甲興。執玉慶座中斬之。即以甲士千人。劫諸土目。偕攻邦相。執而囚之。至是弒之。焚其屍。行賂陶諧。言邦相病死無後。芝當假立。諧遂縱芝歸田州。寢其事不問。於是岑猛仲子邦佐爭立。而鎮安府土舍岑真寶。泗城州土舍岑施東。蘭州土舍岑起雲。那地州土舍羅廷鳳等。咸憤蘇以僕弒主也。合兵討邦佐。攻田州入

之蘇走免歸順州土舍岑瓚蘇堵也蘇急求救於瓚瓚遂乘虛擣鎮安真實聞之引兵去蘇追躡擊之真實大敗精兵死者八千人兩江大駭諧乃遣人諭真實等曰邦相實病死何與盧蘇而爾等自相魚肉何也會諧以憂去都御史潘旦蔡經相繼代之咸不欲反諧前議將以邦相病死聞且曰田州肆孽遽起黎民塗炭府藏空虛假令朝廷復以盧蘇故問罪興師嶺右之禍安可救也於是副使蕭晚參議陳大珊當勸議曰盧蘇稱亂弑主戕民罪惡通天安可益也今日之事第當直敘以聞乞令立功自贖不及征討足矣督府不聽遂言邦相不孝奪其母贍田虐部下盧蘇因眾怒而殺之朝議果置不問

典